

翁拾遺詩集

福清翁承贊文饒

晨興

晨起竹軒外逍遙清興多
早涼生戶牖孤月照關河
旅食甘藜藿歸心憶薜蘿
一尊如有地放意且狂歌

題莒潭安閩院

桃宗營祀舍幽異勝珠林
名士穿雲訪飛禽傍竹吟
窻含孤岫影牧卧斷霞陰
景福滋閩壤芳名亘古今

喜弟承檢登科

兩篇佳句敵瓊瑰憐我三清道路開荆璞獻多
還得售桂堂恩在敢輕回花繁不怕尋香客榜
到應傾賀喜杯知爾苦心功業就早攜長策出
山來

蒙閩王改賜鄉里

鄉名文秀里光賢別向鈞台造化權閥閱便因
今日貴德音兼與後人傳自從受賜身無力向
未酬恩骨肯鐫歸闕路遙心更切不嫌扶病倚
旌旃

訪建陽馬驛僧靈耀亞齊

瀟瀟風雨建陽溪溪畔維舟訪亞齊一軸新詩
劍潭北十年舊識華山西吟覓昔向江村老空
性元知世路迷應笑乘軺青瑣客此時無暇聽
猿啼

題景祥院

一溪拖碧遠崔嵬瓶鉢宜偏向此隈農罷樹陰
黃犢卧齋時山下白衣來松都往日門人種路
是前朝釋子開三卷貝多金粟語可能心煉得
成灰

寄舍弟承裕負外

江花岸草晚萋萋公子王孫思合迷無主園林
饒採伐忘情鷗鳥恣高低長江月上魚翻鬣荒
圃人稀獺印蹄何事斜陽再回首休愁離別峴
山西

文明殿受冊封閩王

龍墀班聽漏聲長竹帛昭勲撲御香鳴佩洞庭
辭帝主登車故里冊閩王一千年改江山瑞十
萬軍蒙雨露光吟寄短篇追往事留文功業不
尋常

御命歸鄉蒙賜錦衣

九重宣旨下丹墀面對天顏賜錦衣中使擎來
三殿曉寶箱開處五雲飛德音耳聆君恩重金
印腰懸已力微更待臨軒陳鼓吹星軺便指故
鄉歸

奉使封閩王歸京洛

泥緘紫誥御恩光信馬嘶風出洛陽此去願言
歸梓里預憑鳧夢展維桑客程回首瞻文陛驛
路乘軺憶故鄉指日還家堪自重恩榮畫錦賀
封王

奉使封王次宜春驛

微宦淹留鬢已斑此心長憶舊林泉不因列土
封千乘爭得銜恩拜二天雲斷自宜鄉樹出月
高猶伴客心懸夜來夢到南臺上徧看江山勝
往年

甲子歲銜命到家至榕城冊封次日闕
王降旌旗於新豐市堤餞別

登庸樓上方停樂新市堤邊又舉杯正是離情
傷遠別忽聞台旨許重來此時暫與交親好今
日還將簡冊回爭得長房猶在世縮教地近鈞

魚臺

寄示兒孫

力學燒丹二十年辛勤方得遇真仙便隨羽客
歸三島旅聽霓裳適九天得路自能酬造化立
身何必戀林泉予家藥鼎分明在好把仙方次
第傳

天祐元年以右拾遺使冊闕王而作

蓬萊宮闕曉光勻紅案昇麻降紫宸鸞奏八音
諧律呂鳳銜五色顯絲綸蕭何相印鈞衡重韓
信齋壇雨露新得侍丹墀官異寵此身何幸沐

恩頻

漢上登舟憶閩

漢臯亭畔起西風半挂征帆立向東久客自憐
歸路近筭程不怕酒觴空參差鴈陣天初碧零
落漁家蓼欲紅一片歸心隨去棹願言指日拜
文翁

對雨述懷示弟承檢

霖霖霎霎結秋霖欲使秦城嘆陸沈曉勢遮回
朝客馬夜深滴破旅人心青苔重疊封顏巷白
髮蕭疎引越吟不有惠連同此景江南歸思幾

般深

題壺山

井色邑斜連北蓬瀛直倚東秋高岳溜白日上海
波紅

題故居

一為鷺子二蓮花三望青湖四石斜惟有嶺湖
居第五山前却是宰臣家

題槐

雨中裝點望中黃句引蟬聲送夕陽憶昔當年
隨計吏馬蹄終日為君忙

擢進士

霓旌引上大羅天，別領新銜意自憐。
蝴蝶流鶯莫先去，滿城春色屬羣仙。

擢探花使

洪巖差遣探花來，檢點芳叢飲數杯。
深紫濃香三百朶，明朝爲我一時開。
九重煙暖折槐芽，自是昇平好物華。
今日始知春氣味，長安虛過四時花。
探花時節日偏長，恬淡春風稱意忙。
每到黃昏醉歸去，紵衣惹得牡丹春。

書齋漫興

池塘四五尺深水，籬落兩三般樣花。
過客不須頻問姓，讀書聲裏是吾家。
官事歸來衣雪埋，兒童燈火小茅齋。
人家不必論貧富，惟有讀書聲最佳。

辭閩王歸朝寄倪先輩

時人莫訝再還鄉，簡冊分明劍佩光。
駟馬高車太常樂，登庸門下憶良賢。

校李鈔本增詩一首錄於左方并改其顯然謬誤者
數字已於前月各元姓

翁拾遺詩集

華下霽後曉眺

結茅幽寂近禪林
霽景煙光著柳陰
千嶂華山雲外秀
萬重鄉思望中深
老嫌白髮還偷鑷
貧對春風亦強吟
花畔水邊人不曾
騰閣步一披襟

此首在題
呂潭安閣院後

唐任藩詩小集

冬暮野寺

江東寒近臘野寺水天昏
無酒可銷夜隨僧
早閉門照墻燈影短
著瓦雪聲簌飄泊仍千里
清吟欲斷魂

贈濟禪師

碧峯秋寺內禪客已無情
半頂髮根白一生心地清
竹房侵月靜石逕到門平
山下塵囂路終年誓不行

葛仙井

古井碧沈沈分明見百尋味甘傳邑內脉冷應
山心圓入月輪靜直涵峯影深自從仙去後汲
引到如今

經墮淚碑

羊公傳化地千古事空存碑已無文字人猶敬
子孫峴山長閉恨漢水自流恩數處烟嵐色分
明是淚痕

秋晚野居

遠聲霜後樹秋色水邊村野迳無來客寒風自
動門海山藏日影江石落潮痕惆悵高飛晚年

年別故園

長安冬夜書事

憂來長不寐往事重思量清渭幾年客故衣今
夜霜春風誰識面水國但牽腸十二門車馬昏
明各自忙

越江漁父

借問釣魚者持竿多少年眼明汀島畔頭白子
孫前棹入花時浪燈留雨夜舡越江深見底誰
識此心堅

哭友人

逢着南州使江邊哭問君送終時有雪歸葬處
無雲官庫惟留劍隣僧共結墳兒孫未成立誰
與集遺文

秋晚途次

秋色滿行路此時情不閑孤貧遊上國少壯有
衰顏衆鳥已歸樹旅人猶過山蕭條遠林外風
急水潺潺

送李衡

羈栖親故少遠別惜清才天畔出相送路長知
未迴欲銷今日恨強把異鄉杯君去南堂後應

無客到來

題天台寺壁

絕頂新秋生夜涼鶴翻松露滴衣裳前峯月照
半江水僧在翠微開竹房

右五言十首皆任藩詩也今天台郡城有巾
子山唐任藩題詩所謂絕頂新秋生夜涼鶴
翻松露滴衣裳之句天下傳誦為古今絕唱
嘗考新舊唐史并唐五代以來小說傳記與
夫唐人詩集百家詩唐詩類選百家詩選雅
言系述中興間氣集小選集選文粹文苑英

華詞苑瓊華寶刻叢章唐之詩人殆無遺矣
然皆不及藩之出處行事詩文獨僕家有吳
僧簡微集唐詩一編猶是宣簡田公嘉祐中
手錄其間有任藩詩十首清新婉麗與巾子
山詩一律乃馳以告今天台太守秘閣河內
向公請刻之李嘉祐詩集之後以傳不朽龍
興初向公守龍舒屬邑望江有翹令神祠甚
肅即白樂天所稱翹信陵也世亦不知其有
集獨僕有曾大父手錄存焉公忻然刻寘祠
下而翹君之作得以暴白今任君之詩又遇

公而不沒則發潛德之幽光公之用心非一日
矣汝陰王廉清敬書

宿桐柏宮 見天台志

飄雲外客對宿聚仙堂半夜無人語中宵月送涼鶴
歸高樹靜螢過小池光不得多時住開門是自忙

冬暮野寺春晴

楚國多春雨柴門喜晚晴幽人臨水生好鳥隔花鳴野色臨空潤
江流接海平門前到溪路今夜月分明

洛陽道

憚洛陽道塵下生春草行老豈無家無人在家老雞鳴前
結束爭去恐不早百年除秀盡白日車中曉求富江海狹取貴
山岳二端立 在途奔走無由了

宮怨

淚乾紅落臉心盡白垂頭自此方知怨從來豈信愁

惜花

無語与花別細看枝上紅明年又相見還恐是愁中

校李鈔本補詩五首寫於右方
乙卯十月九日傳增湘記

孟一之詩集

建安 孟 貫 一之

寄張山人

草堂南澗邊有客嘯雲煙埽葉林風後拾薪山
雨前野橋通竹徑流水入芝田琴月相親夜更
深戀不眠

宿山寺

溪山盡日行方聽遠鐘聲入院逢僧定登樓見
月生露垂羣木潤泉落一巖清此景關吾事通
宵寐不成

贈棲隱洞譚先生

先生雙鬢華深谷卧雲霞不伐有巢樹多移無
主花石泉春釀酒松火夜煎茶因問山中事如
君有幾家

冬日登江樓

高樓臨古岸野老晚來登江水因寒落山雲為
雪凝遠村雖入望危檻不堪憑親老未歸去鄉
愁徒自興

春江送人

春江多去情相去枕長汀數鴈別湓浦片帆離

洞庭雨餘沙草綠雲散岸峯青誰共觀明月漁
歌夜好聽

秋江送客

秋風楚江上送子話遊遨遠水宿何處孤舟春
夜濤浦雲沈鴈影山月照猿嗥莫為飢寒苦便
成名利勞

過秦嶺

古今傳此嶺高下勢崢嶸安得青山路化為平
地行蒼苔留虎跡碧樹障雞聲欲過一回首踟
躕無限情

送吳夢閻歸閩

甌關在天末此去整行衣久路逢春盡思家冒暑歸海雲添晚景山瘴滅晴暉相憶吟偏苦不堪書信稀

宿故人江居

渡口樹冥冥南山漸隱青漁舟歸舊浦鷗宿在前汀靜榻懸燈坐閑門對浪高相思頻到此幾度醉還醒

寄伍喬

蹉跎春又晚天末信來遲長憶分攜日正當搖

落時獨遊饒旅恨多事失歸期君看前溪樹山禽巢幾枝

送江爲歸嶺南

舊山臨海色歸路失天涯此別各多事重逢是幾時江行晴望遠嶺宿夜吟遲珍重南方客清風失所思

山齋早秋雨中

深居少往還卷箔早秋間雨灑吟蟬樹雲藏嘯菰山炎蒸如便退衣葛亦堪閑靜坐得無事酒卮聊暢顏

山中訪人不遇

負琴兼杖藜特地過巖西已見竹軒淨潤又聞山
鳥啼長松寒倚谷細草暗連溪久立無人事煙
霞歸路迷

寄暹上人

聞罷城中講來安頂上禪夜燈明石室清磬出
巖泉欲訪慙多事相思恨隔年終期息塵慮接
話虎溪邊

早秋吟眺

新秋初雨後獨立對遙山去鳥望中没好雲吟

裏還長年慙道薄明代取身閑從有西征思園
林懶閉關

歸鴈

春至衡陽鴈思歸塞路長汀洲齊奮翼霄漢共
成行雪盡翻風暖寒收度月涼直應到秋日依
舊返瀟湘

贈隱者

世路爭名利深山獨結茅安情自得所非道豈
相交百尺松當戶千年鶴在巢知君於此景未
欲等閑拋

山中夏日

深山宜避暑，門戶映嵐光。夏木蔭溪路，晝雲埋石牀。心源澄道靜，衣葛蘸泉涼。笑得紅塵裏，誰知此興長。

江邊閑步

閑來南渡口，迤邐看江楓。一路波濤畔，數家蘆葦中。遠汀排晚樹，深浦漾寒鴻。吟罷慵回首，此情誰與同。

夏日登瀑項寺因寄諸知己

曾於塵裏望，此景在煙霄。巖靜水聲近，山深暑

氣遙。杖藜青石路，煮茗白雲樵。寄語爲郎者，誰能破寂寥。

懷果上人

擁錫南遊去，名香幾處焚。別來無遠信，多恐在深雲。好月曾同步，幽香省共聞。相思不相見，林下葉紛紛。

寄故園兄弟

久與鄉關阻，風塵損舊衣。水思和月泛，山憶共僧歸。林想添鄰舍，溪應改釣磯。弟兄無苦事，不用別庭幃。

過林逸人園林

谷口何時住煙霞一逕深水聲離遠洞山色出
踈林雪彩從沾鬢年光不計心自言人少到猶
喜我來尋

酬東溪史處士

咫尺東溪路年來偶訪遲泉聲迷夜雨花片落
空枝石徑僧逢出山牀鶴見移貧齋有琴酒曾
許月圓期

寄李處士

僧話磻溪叟平生重赤松夜堂悲蟋蟀秋水老

芙蓉吟坐倦垂釣閑行多倚筇聞名來已久未
得一相逢

山中答友人

偶愛春山住因循值暑時風塵非所願泉石本
相宜坐久松陰轉吟餘蟬韻移自慙踈野甚多
失故人期

送人遊南越

孑然南越去替爾畏前程見說路岐嶮不通車
馬行瘴煙迷海色嶺樹帶猿聲獨向山家宿多
應鄉里生

寄山中高逸人

煙霞多放曠吟嘯是尋常
猿共摘山果僧鄰住
石房躡雲雙屐冷採藥滿身香
我憶相逢夜松潭月色涼

懷友人

浮世況多事飄流每嘆君
路岐何處去消息幾時聞
吟裏落秋葉望中生暮雲
孤懷誰慰我夕鳥自成羣

送人歸別業

別業五湖上春殘去路賒
還尋舊山水重到故

人家門徑掩芳草園林落異花
君知釣磯在猶喜有生涯

夏日寄史處士

掩關苔滿地終日坐騰騰
暑氣冷衣葛暮雲催燭燈
寂寥知得趣踈懶似無能
還憶舊遊否何年別杜陵

乙卯十月初六夜校李滄葦鈔本訖沅舛

孟一之詩集

平陽林刻

歐陽文忠公詩集序
蘇軾詩集序
蘇轍詩集序
蘇頌詩集序
蘇頌詩集序
蘇頌詩集序

夏日寄史與士

喜作主我

入家門對蘇芒草園林
蘇芒草園林
蘇芒草園林
蘇芒草園林
蘇芒草園林

唐李推官披沙集序

予生百無所好而顧獨尤好文詞如好好色也
至於好詩又好文詞中之尤者也至於好晉唐
人之詩又好詩之尤者也予於天下士大夫家
及入三館傳唐詩數百家多至百千篇寡至一
二篇自謂三百年間奇瑰詭寶畧無遺矣晚識
李兼孟達於金陵出唐人詩一編乃其八世祖
推官公披沙集也如見後却無語別來長獨愁
如危城三面水古樹一邊春如月明千嶠雪灘
急五更風如煙殘方有焰雪甚却無聲如春雨

有五色灑來花旋成如雲藏山色晴還媚風約
 溪聲靜又迴如未醉已知醒後憶欲開先為落
 時愁蓋征人淒苦之情孤愁幼眇之聲騷客婉
 約之靈風物榮悴之英所謂周禮盡在魯矣讀
 之使人發融冶之歡於荒寒無聊之中動慘戚
 之感於笑談方懌之初國風之遺音江左之異
 曲其果絃絕而不可煎膠歟然則謂唐人自李
 杜之後有不能詩之士者是曹丕火浣之論也
 謂詩至晚唐有不工之作者是桓靈寶哀黎之
 論也或曰推官公之詩子能辨之子之言將使

誰辨之曰嗟乎後世有曹丕無靈寶推官公其
 已矣予則有憂也不然推官公其已乎吾何憂
 哉推官公諱咸用唐末人也孟達請余序之後
 二年乃能書以寄之孟達亦能詩殊有推官公
 句法云紹熙四年十一月既望誠齋野客廬陵
 揚萬里序

臨安府桐北大街陳宅書籍鋪印行

唐李推官披沙集序

壬子十一月購得楊惺吾所藏南宋書棚本李
推官披沙集初印精善其直銀幣貳百圓旋
以繼於清... 北還時厥賈適以景宗本相寄即惺吾本
出者目以賤直留之取席刻對勘可以校正
訛誤甚多且有出惺吾所校外以此知宋本
之可貴而余之失彼得此亦差足自慰也

十月初七日沈村記

是集既藏之涵芬樓矣嗣與同年鄧孝先設及孝先堅欲得之余
為作綠商之菊生竟以歸之孝先而得書棚本聲玉碧雪兩集遂名藏
書之示曰屏碧樓及得此集復刻一印曰三李盒亦歷世數百一旦存并
亦疑杯在浴也余類年搜求獲此社冊乃銀鑄讓入師味自失物匣中
歲有四百餘持以自三李相抗未如孝先且許若耶 癸丑十月菊生自

唐李推官披沙集卷第一

隴西李

咸用

水仙操

大波相拍流水鳴蓬山鳥獸多奇形琴心不喜
亦不驚安絃緩爪何泠泠水仙縹緲來相迎伯
牙從此留嘉名嶧陽散木虛且輕重華斧下知
其聲屢絲相糾成淒清調和引得薰風生指底
先王長養情曲終天下稱太平後人好事傳其
曲有時聲足意不足始莪莪兮復洋洋但見山
青兼水綠成連入海移人情豈是本來無嗜慾

琴兮琴兮在自然不在徽金將軫玉

鷄鳴曲

海樹相扶鳥影翹戴紅拍翠聲膠膠鴛瓦凍危
金距趨誇雄鬪氣爭相高漏殘雨急風蕭蕭患
亂忠臣欺寶刀霜濃月薄星昭昭太平才子能
歌謠山翁夢斷出衡茅谷口霧中饑虎號離人
枕上心忉忉

西門行

勞禽不擇枝饑虎不畏檻君子當固窮無爲仲
由濫爾奮空拳彼擊劒水縱長瀾火飛焰漢高

偶試神蛇驗武王龜筮驚人險四龍或躍猶依
泉小狐勿恃衝波膽

輕薄怨

花驄躩蹠遊龍騎連連寶節揮長鞘鳳雛麟子
皆至交春風相逐垂楊橋捻笙軟玉開素苞畫
樓閃閃紅裾搖碧蹄偃蹇違金鑣狂情十里飛
相燒西母青禽輕飄飄分環破壁來往勞黃金
千鎰新一宵少年心事風中毛明朝何處逢嬌
饒門前桃樹空天天

長歌行

要衣須破束欲炙須解牛當年不快意徒爲他
人留百歲之約何悠悠華髮星星稀滿頭蛾眉
螭首聊成仇圓紅闕白令人愁何不多引清奏
朝登翠樓逢花便折聞勝即遊鼓腕騰棍晴雷
収舞腰困裊垂楊柔象筇擊折歌勿休玉山未
倒非風流眼前有物俱是夢莫將身作黃金鑿
死生同域不用懼富貴在天何足憂

巫山高

通蜀連秦山十二中有妖靈會人意鬪豔傳情
世不知楚王魂夢春風裏雨態雲容多似是色
荒見物皆成媚露泣煙愁巖上花至今猶滴相
思淚西眉南臉人中美或者皆聞無所利忍聽
憑虛巧佞言不求萬壽翻求死

公無渡河

有叟有叟何清狂行搔短髮提壺漿亂流直涉
神洋洋妻止不聽追沉湘偕老不偕死筮篋遺
淒涼剗松輕穩琅玕長連呼急榜庸何妨見溺
不援能語狼忍聽麗玉傳悲傷

春雨

大帝閑吹破凍風青雲融液流長空天人醉引

玄酒注傾香旋入花根土濕塵輕舞唐唐春神
娥無跡莓苔新老農私與牧童論紛紛便是倉
箱本

石版歌

雲根劈裂雷斧痕龍泉切璞青皮皴直方挺質
貞且真當庭卓立凝頑神春雨流膏成立文主
人性靜看長新明月夜來迴短影何如照冷太
湖濱

春宮詞

風和氣淑宮殿春咸陽體解思君恩眼光滴滴
心振振重瞳不轉憂生民女當爲妾男當臣男
力百歲在女色片時新用不用惟一人敢放天
寵私微身六宮萬國教誰賓

富貴曲

畫藻雕山金碧彩鴛鴦疊翠眠晴靄編珠影裏
醉春庭團紅片下攢歌黛革咽絲煩歡不改繳
絳垂緹忽如晦活花起舞夜春來蠟焰煌煌天
日在雪暖瑤杯鳳髓融紅拖象筋猩唇細空中
漢轉星移蓋火城擁出隨朝會車如雷兮馬如
龍鬼神闕奕不敢害冠莪劔重鏘環珮步入天

門相真宰開口長爲爵祿筌回眸便是公卿罪
珠珍索得龍宮貧膏腴刮下蒼生背九野干戈
指着心威福滿拳猶未快我聞周公貴爲天子
弟富有半四海蔑有驕奢貽後悔紅錦障收珊
瑚樹碎至今笑石崇王愷

獨鵠吟

碧玉喙長丹頂圓亭亭危立風松間啄萍吞鱗
意已闌舉頭咫尺輕重天黑翎白本排雲煙離
羣脫侶孤如仙披霜喚月驚嬋娟逍遙忘却還
青田鳶寒鴉晚空相喧時時側耳清泠泉

煌煌京洛行

長安近甸巡遊遍洛陽尋有黃龍見千乘萬騎
如雷轉差差清蹕祥煙卷百司舊分當王殿太
平官屬無遺彥歌鍾沸激香塵散晨旗隱隱羅
軒冕周公舊迹生紅蘚灑澗波光春照晚但聽
嵩山萬歲聲將軍旗鼓何時偃

昇天行

堂堂削玉青蠅喧寒鷗啄鼠愁飛鸞梳玄洗白
逡巡間蘭言花笑俄衰殘盤金束紫身屬官強
仁小德終無端不如服取長流丹潛神却入黃

庭閑志定功成飛九關逍遙長揖辭人寰空中
龍駕時迴旋左雲右鶴翔翩聯雙童樹節當風
翻常娥倚桂開朱顏河邊牛子星郎牽三清宮
殿浮晴煙玉皇據案方凝然仙官立仗森幢幡
引余再拜歸仙班清聲妙色視聽安食和飲順
中腸寬虛無之樂不可言

緋桃花歌

上帝春官思麗絕天桃變態求新悅便是花中
傾國容牡丹露泣長門月野樹滴殘龍戰血曦
車碾下朝霞屑惆悵東風未解狂爭教此物芳

菲歌

短歌行

一罇綠酒綠於染拍手高歌天地險上得青雲
下不難下在黃埃上須慚少年歡樂須及時莫
學懦夫長泣岐白日欲沉猶未沉片月已來天
半垂坎鼓鏗鍾愁殺賊接碎是非佯不識長短
高卑不可求莫歎人生頭雪色

小松歌

幽人不喜凡草生秋鋤劓得寒青青庭閑土瘦
根脚獰風搖雨拂精神醒短影月斜不滿尺清

聲細入鳴蛩翼天人戲剪蒼龍髯參差簇在瑤
堦側金精水鬼欺不得長與東皇逞顏色勁節
暫因君子移貞心不爲麻中直

大雪歌

同雲慘慘如天怒寒龍振鬣飛乾雨玉圃花飄
朶不勻銀河風急驚砂度謝客憑軒吟未任望
中頓失縱橫路應是羲和倦曉昏暫反元元歸
太素歸太素不知歸得人心否

塘上行

橫塘日澹秋雲隔浪織輕颺羅幕幕紅綃撇水
蕩舟人畫橈摻摻柔荑白鯉魚虛擲無消息花
老蓮踈愁未摘却把金釵打綠荷懊惱露珠穿
不得

唐李推官披沙集卷第一

唐李推官披沙集卷第二

隴西李

咸用

寓意

直道荆棘生斜徑紅塵起蒼蒼杳無言麒麟迴
瑞趾東風如未來飛雪終不已不知姜子牙何
處釣流水

劍喻

黯黯秋水寒至剛非可缺風胡不出來攝履人
相蔑縱挺倚天形誰是胸提挈願將百鍊身助
我王臣節

的

蒼頡臺

先賢憂民詐觀跡成綱紀自有書契來爭及結
繩理

荆山

良工指君疑真玉却非玉寄言懷寶人不須傷
手足

自君之出矣

自君之出矣鸞鏡空塵生思君如明月明月逐
君行

妾薄命

妾命何太薄不及宮中水時時對天顏聲聲入
君耳

君子行

君子慎所履小人多所疑尼甫至聖賢猶爲斥
所縻

銅雀臺

但見西陵慘明月女妓無因更相悅有虞曾不
有遺言滴盡湘妃眼中血

婕妤怨

莫恃芙蓉開滿面更有身輕似飛燕不得團圓

長近君珪月鉞時泣秋扇

悲哉行

雲色陰沉弄秋氣危葉高枝恨深翠用却春風
力幾多微霜逼迫何容易

攜手曲

攜手春復春未嘗漸離別天天風前花纖纖日
中雪不敢怨於天唯驚添歲月不敢怨於君祇
怕芳菲歇芳菲若長然君恩應不絕

空城雀

啾啾空城雀一啄數跳躍寧尋覆轍餘豈比巢

危幕茫茫九萬鵬百雉且爲樂

放歌行

蠹蠹荼蓼蟲薨薨避葵齋悠悠狷者心寂寂厭
清世如何不食甘命合苦其噬如何不趣時分
合辱其體至哉先誓嗇於物不凝滯

猛虎行

猛虎不怯敵烈士無虛言怯敵辱其班虛言負
其恩爪牙欺白刃果敢無前陣須知易水歌至
死無悔恡

隴頭吟

聖情

夢避二字作渡行

行人何徬徨隴頭水嗚咽寒沙戰鬼愁白骨
霜切薄日朦朧秋怨氣陰雲結殺成邊將名
著生靈滅

關山月

離離天際雲皎皎關山月羌笛一聲來白盡
征人髮嘹唳孤鴻高蕭索悲風發雪壓塞塵清
落沙場闊何當胡無人荷戈朝鳳闕

覽友生古風

伯牙鳴玉琴幽音隨指發不是鍾期聽俗耳
安能別高山閑巍峩流水空嗚咽一卷冰雪言清

泠泠心骨分明古雅聲諷諭成淒切皴黻老松
根晃朗驪龍窟荆璞且深藏塔石方如雪金多
醜女妍木朽良工拙奸宄欺雷霆魍魎嫌日月
蝶迷桃李香鮒罔江湖闊不寐孤燈前舒卷忘
饑渴

題友生叢竹

菊華寒露濃蘭愁曉霜重指佞不長生脯筴今
無種安知植叢篁他年待棲鳳大則化龍騎小
可釣璜用留煙伴獨醒迴陰冷閑夢何妨積雪
凌但為清風動乃知子猷心不與常人共

石版

高人好自然移得他山碧不磨如版平大巧非
因力古蘚小青錢塵中看野色冷倚砌花春靜
伴踈篁直山僧若轉頭如逢舊相識

江南曲

江南四月薰風低江南兒女芳步齊晚雲接水
共渺瀰遠沙疊草空萋萋白苧不堪論古意數
花猶可醉前溪孤舟有客歸未得鄉夢聚成山
鳥啼

臨川逢陳百年

麻姑山下逢真士玄膚碧眼方瞳子自言混沌
鑿不死大笑老彭非久視強爭龍虎是狂人不
保元和虛叩齒桃花雨過春光膩勸我一杯靈
液味教我無爲禮樂拘利路名場多忌諱不如
含德反嬰兒金玉滿堂真可貴

寄修睦上人

衣服田方無內容一入廬雲斷消息應爲山中
勝槩偏惠持惠遠多蹤跡尋陽有箇虛舟子相
憶由來無無事江邊月色到巖前此際心情必
相似粗似不似寄數字

讀修睦上人歌篇

李白亡李賀死陳陶趙睦尋相次須知代不乏
騷人貫休之後唯修睦而已矣睦公睦公真可
畏開口向人無所忌才似煙霞生則媚真如屈
軼佞則指意下紛紛造化機筆頭滴滴文章髓
明月清風三十年被君驅使如奴婢勸君休莫
容易世俗由來稀則貴珊瑚高架五色毫小小
不須煩藻思

遠公亭牡丹

鴈門禪客吟春亭牡丹獨逞花中英雙成膩臉

隈雲屏百般姿態因風生延年不敢歌傾城朝
雲暮雨愁娉婷藥繁蟻脚粘不行甜迷蜂醉飛
無聲廬山根脚含精靈發妍吐秀叢君庭湓江
太守多閑情欄朱繞絳留輕盈潺潺綠醴當風
傾平頭奴子啾銀笙紅葩艷艷交童星左文右
武憐君榮白銅堤上慚清明

謝僧寄茶

空門少年初地堅摘芳爲藥除睡眠斤山茗樹
朝陽偏暖萌如爪拏飛鳶枝枝膏露凝滴圓參
差失向兜羅綿傾甭短甌蒸新鮮白帶眼細勻

於研輒排古砌春苔乾殷勤寄我清明前金槽
無聲飛碧煙赤獸呵冰急鐵喧林風夕和真珠
泉半匙青粉攪潺湲綠雲輕綰湘娥髮常來縱
使重支枕胡蝶寂寥空掩關

送人

少皞開宮行帝業無刃金風剪紅葉鴈別邊沙
入暖雲蛩辭敗草鳴香閣有客爲儒二十霜酣
歌郢雪時飄揚不甘長在諸生下束書攜劔離
家鄉利爪鞞上鷹雄文霧中豹可堪長與烏鳶
噪是宜摩碧漢以遐飛出南山而遠蹈况今大

朝公道天子文明團團月樹懸青青燕中有馬
如龍行不換黃金無駿名荆山有玉猶在璞未
遇良工虛擲鵲一壺清酒酌離情休向蒿中隨
雀躍

古意論交

擇友如掬金沙盡不得寶結交如乾銀產竭不
成道我生四十年相識苦草草多爲勢利朋少
有歲寒操過財能幾何聞善寧相告茫然同夜
行中路自不保常恐管鮑情參差忽終老今來
既見君青天無片雲語直琴絃急行高山桂芬

約我爲交友不覺心醺醺見義必許死臨危當
捐困無今後世士重廣孝標文

唐李推官披沙集卷第二

唐李推官披沙集卷第三

隴西李

咸用

春風

青帝使和氣吹噓萬國中發生寧有異先後自
難同輦草不銷力巖花應費功年年三十駉飄
入玉蟾宮

自愧

多負懸弧禮危時隱薜蘿有心明俎豆無力執
干戈壯士難移節貞松不改柯纓塵徒自滿欲
濯待清波

夜吟

白兔輪當午儒家業敢慵竹軒吟未已錦帳夢
應重落筆思成虎懸梭待化龍景清神自爽風
遞遠樓鍾

昭君

古帝修文德蠻彝莫敢侵不知桃李貌能轉虎
狼心日暮邊風急程遙積雪深千秋青塚骨留
怨在胡琴

秋夕

寥廓秋雲薄空庭月影微樹寒棲鳥密砌冷夜

蛩稀曉鼓軍容肅踈鍾客夢歸吟餘何所憶聖
主尚宵衣

秋日與友生言別

利名心未已離別恨難休爲箇文儒業致多岐
路愁數花籬菊晚片葉井梧秋又決出門計一
樽期少留

邊城聽角

戍樓鳴畫角寒露滴金槍細引雲成陣高催鴈
着行喚迴邊將夢吹薄曉蟾光未遂終軍志何
勞思故鄉

秋日訪同人

忽憶金蘭友攜琴去自由遠尋寒澗碧深入亂
山秋見後却無語別來長獨愁幸逢三五夕露
坐對冥搜

寄楚瓊上人

遙知無事日靜對五峯秋鳥隔寒煙語泉和夕
照流凭欄踈磬盡瞑目遠雲收幾句出人意風
高白雪浮

遊寺

無家身自在時得到蓮宮秋覺暑衣薄老知塵

世空幽情憐水石野性任萍蓬是處堪閑坐與
僧行止同

春日

浩蕩東風裏徘徊無所親危城三面水古樹一
邊春衰世難修道花時不稱貧滔滔天下者何
處問通津

論交

行虧何必富節在不妨貧易得笑言友難逢終
始人松篁貞管鮑桃李艷張陳少見歲寒後免
爲霜雪塵

秋興

木葉亂飛盡故人猶未還
心雖遊紫闕時合在
青山近寺僧隣靜
臨池鶴對閑
兵戈如未息
名位莫相關

山居

草堂書一架
苔徑竹千竿
難世投誰是
清貧且自安
鄰居皆學稼
客至亦無官
焦尾何人聽
涼宵對月彈

遣興

風細酒初醒
憑欄別有情
蟬稀秋樹瘦
雨盡晚

雲輕旅鬢一絲出
鄉心寸火生子牟
魂欲斷何日是昇平

待旦

簷靜燕雛語
窓虛蟾影過
時情因客老
歸夢入秋多
蔽日羣山霧
滔天四海波
吾皇思壯士
誰應大風歌

送從兄坤載

忍淚不敢下
恐兄情更傷
別離當亂世
骨肉在他鄉
語盡意不盡
路長愁更長
那堪回首處
殘照滿衣裳

惜別

細雨粧行色霏霏入戶來須知相識喜却是別
愁媒白刃方盈國黃金不上臺俱爲鄒魯客何
處免塵埃

早秋遊山寺

閑卧雲巖穩攀緣笑戲猿靜於諸境靜高却衆
山高至理無言了浮生一夢勞清風朝復暮四
海自波濤

秋日疾中寄諸同志

閑居無勝事公幹卧來心門靜秋風晚人稀古

巷深花踈籬菊色葉減井梧陰賴有斯文在時
時得強尋

贈山僧

榮枯雖在目名利不關身高出城隍寺野爲雲
鶴鄰松聲寒後遠潭色雨餘新豈住空空裏空
空亦是塵

宿隱者居

永日連清夜因居識躁君竹扉難掩月巖樹易
延雲曙鳥枕前起寒泉夢裏聞又須隨計吏雞
鶴迥然分

送錢契明尊師歸廬山

瘦倚青竹杖，鑪峯拍欲歸。
霜粘行日屨，風暖到時衣。
凭檻雲還在，攀松鶴不飛。
何曾有別恨，楊柳自依依。

送進士劉松

滔滔皆魯客，難得是心知。
到寺多同步，遊山未失期。
雲低春雨後，風細暮鍾時。
忽別垂楊岸，遙遙望所之。

贈任肅

玄髮難姑息，青雲有路岐。
莫言多事日，虛擲少

年時。松色雪中出，人情難後知。
聖朝公道在，中鵠勿差池。

題陳正字山居

怪來忘祿位，習學近瀟湘。
見處雲山好，吟中歲月長。
花光籠晚雨，樹影浸寒塘。
幾日憑欄望，歸心自不忙。

贈來進士鵬

語玄人不到，星漢在靈空。
若使無良遇，虛言有至公。
月明千嶠雪，難急五更風。
此際苦吟力，分將造化功。

送曹稅

摻袂向春風何時約再逢若教相見密肯恨別
離重芳草漁家路殘陽水寺鍾落帆當此處吟
興不應慵

贈來鵬

默坐非關悶凝情祇在詩庭閑花落後山靜月
明時答客言多簡尋僧步稍遲既同和氏璧終
有玉人知

途中作

瘦馬倦行役斜陽勸着鞭野橋寒樹亞山店暮

雲連退鷁風雖急攀龍志已堅路人休莫笑百
里有時賢

秋晚

斜陽山雨外秋色思無窮柳葉飄乾翠楓枝撼
碎紅鬚毛看似雪生計尚如蓬不及樵童樂兼
葭一笛風

曉望

露驚松上鶴曉色動扶桑碧浪催人老紅輪照
物忙世情隨日變利路與天長好駕觥船去陶
陶入醉鄉

寄友生

交情應不變何事久離羣
圓月思同步寒泉憶
共聞雪霜松色在風雨
鴈行分每見人來說
慙前改舊文

江行

瀟湘無事後征棹復嘔啞
高岫留斜照歸鴻背
落霞魚殘沙岸草蝶寄
汙流槎共說干戈苦汀
洲減釣家

題王氏山居

簷有煙嵐色地多松竹風
自言離亂後不到鼓

南

輦中徑柳拂雲綠山櫻帶雪紅
南邊青嶂下時見採芝翁

送別

別意說難盡離盃深莫辭長歌終此席一笑又
何時棹入寒潭急帆當落照遲遠書如不寄
何以慰相思

覽文僧卷

雖無先聖耳異代得聞韶
怪石難爲古竒花不敢妖
調高非郢雪思靜礙箕瓢
未可重吟過雲山與轉饒

無

望仰山憶玄秦上人

晴嵐疑片碧知在此中禪見面定何日無書已
一年高秋關靜夢良夜入新篇仰德心如清
風不我傳

聞泉

泚泚夢初驚幽惚枕簟清更無人共聽祇有月
空明急想穿巖曲低應過石平欲將琴強寫不
是自然聲

酬鄭進士九江新居見寄

躡屐扣柴關因成盡日閑獨聽黃鳥語深似自

白

雲間萍沼寬於井莎城綠當山前期招我作此
景得吟還

九江和人贈陳生

天畏斯文隋憑君助素風意深皆有補句逸不
因功暮贊一作替雲愁遠秋驚月占空寄家當瀑布
時得笑言同

唐李推官披沙集卷第三

唐李推官披沙集卷第四

隴西李

咸用

登樓值雨二首

共訝高樓望匡廬色已空白雲橫野闊遮嶽與
天同數點雨入酒滿襟香在風遠江吟得出方
下郡齋東

江徼多佳景秋吟興未窮送來松檻雨半是蓼
花風浪猛驚翹鷺烟昏叫斷鴻不知今夜客幾
處卧鳴蓬

送趙舒處士歸廬山

歸岫香鑪碧行吟步益遲諸侯師不得樵客偶
相隨思舊江雲斷談玄岳月移祇應張野輩異
代作心知

僧院薔薇

客引擎茶看離披曬錦紅不緣開淨域爭忍負
春風小片當吟落清香入定空何人來此植應
固惱休公

友生攜修睦上人詩見訪

雪中敲竹戶袖出岳僧詩語盡景皆活吟闌角
獨吹意如將俗背業必少人知共酌冰銷日雲

約

邊訪所思

冬夕喜友生至

天涯行欲遍此夜故人情鄉國別來久干戈還
未平燈殘偏有焰雪甚却無聲多少新聞見應
須語到明

牡丹

少見南人識識來嗟復驚始知春有色不信爾
無情恐是天地媚輒隨雲雨生緣何絕一作物
更可比妍明一作

送春

四時爲第一一歲一重來好景應難勝餘花虛
自開相思九箇月得信數枝梅不向東門送還
成負酒杯

送邊將

天驕頻犯塞鐵騎又征西臣節輕鄉土雄心生
鼓輦地寒花不艷沙遠日難低漸喜秋弓健鵬
翻白草齊

春晴

簷滴春膏絕憑欄晚吹生良朋在何處高樹忽
流鶯遊寺期應定尋芳步已輕新詩吟未就遲

穩

日又西頌

冬夜與修睦上人宿遠公亭寄南嶽玄

泰禪師

丈室掩孤燈更深霰電增相看雲夢客共憶祝
融僧語合茶忘味吟歌卷有稜楚南山水秀行
上豈無朋

落花

拾得移時看重思造化功如何飄麗景不似遇
春風滿地餘香在繁枝一夜空祇應公子見先
憶墜樓紅

岳

寄嵩陽隱者

昔年江上別初入亂離中我住匡山北君之少
室東信來經險道詩半憶皇風何事猶高卧巖
邊夢未通

早蟬

門柳不連野乍聞爲早蟬遊人無定處入耳更
應先輓默斜陽雨重吟遠岸烟前年湘竹裏風
激遶離筵

酬蘊微

白衣經亂世相遇一開顏得句禪思外論交野

步間舉朝無舊識入眼祇青山幾度斜陽寺訪
還獨還

萱草

芳草比君子詩人情有由祇應憐雅態未必解
忘憂積雨莎庭小微風蘚砌幽莫言開太晚猶
勝菊花秋

訪友人不遇

出門無至友動即到君家空掩一庭竹去看何
寺花短僮應捧杖稚女學擎茶吟罷留題處苔
階日影斜

苔

幾年風雨跡疊在石孱顏生處景長靜看來情
儘閑吟亭侵壞壁藥院掩空關每憶東行徑移
筇獨自還

紅薇

春雨有五色灑來花旋成欲留池上景別染草
中英畫出看還欠蓮爲挿未輕王孫多好事攜
酒寄吟傾

別所知

有路有西東天涯自恨同却須深酌酒况不比

飄蓬帆冒新秋雨鼓傳微浪風閏牽寒氣早何
浦值賓鴻

小雪

散漫陰風裏天涯不可收壓松猶未得撲石輒
能留閣靜縈吟思途長拂旅愁崆峒山北面早
想玉成丘

和修睦上人聽猿

禪客聞猶苦是聲應是啼自然無穩夢何必到
巴溪踈雨灑不歇迴風吹輒低此宵秋欲半山
在二林西

庭竹

嫩綠與老碧森然庭砌中坐銷三伏景吟起數
竿風葉影重還密梢聲遠或通更期春共看桃
映小花紅

早行

家國三千里中宵筭去程困纔成蝶夢行不待
鷄鳴馬首搖殘月鴉羣起古城發來經幾垞村
寺遠鍾聲

哭所知

朝作青雲士暮為立夜人風燈無定度露薤亦

逡巡乘馬驚新塚書帷擺舊塵祗應從此去何
處福生民

分題雪蕊望香鑪峯

雪霽土庭除爐峯勢轉孤畧無煙作帶獨有影
沉湖冷觸歸鴻急明疑落照俱

下缺

雪十二韻

六二凝陰氣同雲指上天結時風乍急集處霰
長先草穗翹祥燕陂椿吐白蓮犬狂南陌上竹
醉小池前樵徑花黏屨漁舟玉帖舫陣經暘谷

椿

凝立霽

此行不空

槎江
網
惕

鈔本作惕字本此處無
祇餘二字也

薄勢想朔方偏樓面光搖錫籬頭曉列錢石苔
青鹿卧殿網素蛾穿嘶馬應思塞蹲烏似為燕
童癡為獸想僧愛用茶煎念物希周穆含毫愧
惠連吟闌餘興逸還憶剡溪船

廬山

非獄不言嶽此山通岳言高人居亂世幾處滿
前軒秀作神仙宅靈為風雨根餘陰鋪楚甸一
柱表吳門靜得八公侶雄臨九子尊對猶青熨
眼到必冷凝魂勢受重湖讓形難七澤吞黑巖
藏晝電紫霧泛朝暎蓮隋寧惟華玉焚堪小崑

孫

倒松微發罇飛瀑遠成痕疊見雲容襯稜收
氣昏裁詩曾困謝作賦偶無絲流礙星光撒驚
衝鴈陣翻峯竒寒倚劒泉曲旋如盆草短分雛
雉林明露擲猿秋楓紅蝶散春石谷雷奔月好
虎溪路烟深栗里源醉吟長易醒夢去亦銷煩
有覺南方重無疑厚地掀輕揚聞舊俗端用鎮
元元

和吳處士題村叟壁

因閱鄉居景歸心寸火燃吾家依碧嶂小檻枕
清川遠雨籠孤戍斜陽隔斷煙沙虛遺虎跡水

沃聚蛟涎糲麩芟汀蓼甘茶挈石泉霜朝巡栗
 樹風夜探漁船戲日魚呈腹翹灘鷺並肩棊尋
 盤石淨酒傍野花妍器以鋤為利家惟竹直錢
 飯香同豆熟湯暖摘松煎睡島鳧藏足攀藤猓
 凍拳淺茅鳴鬪雉曲枿嘯寒鳶秋果櫨梨澀晨
 羞筭蕨鮮衣蓑留吟閣席草種閑田椎髻擔鮪
 餉厖眉識稔年嚇鷹芻戴笠驅犢篠充鞭不重
 官於社常尊食作天谷深青靄蔽峯迴白雲纏
 每憶關魂夢長誇表愛憐覽君書壁句誘我率
 成篇

謝友生遺端溪硯瓦

尋常濡翰次恨不到端溪得自新知己如逢舊
 解攜翫餘輕照乘謝欲等懸黎靜對勝凡客閑
 窺憶好題媧天補剌石昆劍切來泥著指痕猶
 濕停旬水未低呵雲潤柱礎筆彩飲虹霓鵠眼
 工諳謬羊肝士乍刳連澌光比鏡囚墨膩於礬
 書信成池黑吟須到日西正誇憂盜竊將隱怯
 攀躋捧受同交印矜持過秉珪草顛終近旭嬾
 癖必無稽用合緣鸚鵡珍應負會稽貞姿還落
 落寒韻或淒淒風月情相半煙花勢豈迷宜從

方袋挈枉把短行批殘小金爲斗泓澄玉作隄
遇人依我惜想爾與天齊
行時祇

獨齋

和殷衙推春霖即事

東風吹暖雨潤下不能休古道雲橫白移時客
共愁綠沈莎似藻紅泛葉爲舟忽起江湖興疑
憐吠澮流此時無勝會何處滯竒遊陣急如甘
戰點麤成亂漚竹因添灑落松得長颺颺花慘
閑庭晚蘭深曲徑幽絲牽汀鳥足線掛蠶猿頭
天地昏同醉寰區浩欲浮柳眉低帶泣蒲劒銳

初抽石蕪翻空重蟲羅綴滴稠荷傾蛟淚盡巖
拆電鞭收豈直望堯喜却懷微禹憂樹滋堪採
菌磯沒懶垂鈎腥覺聞龍氣寒宜擁豹裘名膏
那作沴思稔必通侯蟀鳩徒喧競笙歌懶獻酬
山川藏秀媚草木逞調柔極目非吾意行吟獨
下樓

唐李推官披沙集卷第四

唐李推官披沙集卷第五

隴西李

咸用

題陳將軍別墅

明王獵士猶踈在巖谷安居最有才高虎壯言
知鬼伏葛龍閑卧待時來雲藏山色晴還媚風
約溪聲靜又迴不獨春光堪醉客庭除長見好
花開

湘浦有懷

鴻鴈哀哀背朔方餘霞倒影畫瀟湘長汀細草
愁春浪古渡寒花倚夕陽鬼樹夜分千炬火漁

舟朝卷一篷霜儂家本是持竿者爲愛明時入
帝鄉

題陳處士山居

蓮遶閑庭柳遶池蟬吟暮色一枝枝未逢皇澤
搜遺逸贏得青山避亂離花圃春風邀客醉茅
簷秋雨對僧碁樵童牧豎勞相問巖穴從來出
帝師

和蔣進士秋日

晚雨霏微思杪秋不堪才子尚羈遊塵隨別騎
東西急波促年華日夜流涼月雲開光自遠古

松風在韻難休男兒但得功名立縱是深恩亦
易醜

陳正字山居

一葉閑飛斜照裏江南仲蔚在蓬蒿天衢雲險
駑駘蹇月桂風和夢想勞遶枕泉聲秋雨細對
門山色古屏高此中即是神仙地引手何妨一
釣鰲

與劉三禮陳孝廉言志

真宰無私造化均年年分散月中春皆期早躡
青雲路誰肯長爲白社人宋國高風休歛翼聖

朝公道易酬身大須審固穿楊箭莫遣參差鬢
雪新

秋日送嚴湘侍御歸京

蟾影珪圓湖始波楚人相別恨偏多知君有路
昇霄漢獨我無由出薜蘿雖道危時難進取到
逢清世又如何誰聽寧戚敲牛角月落星稀一
曲歌

題王處士山居

雲木沉沉夏亦寒此中幽隱幾經年無多別業
供王稅大半生涯在釣船蜀魄叫迴芳草色鷺

鷺飛破夕陽煙干戈蝟起能高卧只箇逍遙是
謫仙

謝所知

狂歌狂舞慰風塵心下多端亦嬾言早是亂離
輕歲月誰能愁悴過朝昏聖朝公道如長在賤
子謀身自有門却愧此時叨厚遇他年何以報
深恩

秋望

雲陰慘澹柳陰稀遊子天涯一望時風閃鴈行
踈又密地迴江勢急還遲榮枯物理終難測貴

賤人生自不知未達誰能多歎息塵埃爭損得
男兒

送譚孝廉赴舉

鼓鼙聲裏尋詩禮戈戟林間入鎬京好事盡從
難處得少年無向易中輕也知貴賤皆前定未
見踈慵遂有成吾道近來稀後進善開金口答
公卿

途中逢友人

大道將窮阮籍哀紅塵深翳步遲迴皇天有意
自寒暑白日無情空往來霄漢何年徵賦客煙

花隨處作愁媒相逢且快眼前事莫厭狂歌酒
百盃

和人湘中作

湘川湘岸兩荒涼孤鴈號空動旅腸一棹寒波
思范蠡滿罇醇酒憶陶唐年華蒲柳凋衰鬢身
跡萍蓬滯別鄉不及東流趨廣漢臣心日夜與
天長

贈陳望堯

若說精通事藝長詞人爭及孝廉郎秋螢短燭
難盈按隣燭餘光不滿行鵠箭親踈雖異的桂

花高下一般香明時公道還堪信莫遣錐鋒久
在囊

宿漁家

促杼聲繁螢影多江邊秋興獨難過雲遮月桂
幾枝恨烟罩漁舟一曲歌難世斯人雖隱遁明
時公道復如何陶家壁上精靈物風雨未來終
是梭

旅館秋夕

牢落生涯在水鄉只思歸去泛滄浪秋風螢影
隨高柳夜雨蝨聲上短牆百歲易爲成荏苒丹

霄誰肯借梯航若教名路無知己匹馬塵中是
自忙

悼范攄處士

家在五雲溪畔住身遊巫峽作閑人安車未至
柴關外片玉已藏墳土新雖有公卿聞姓字惜
無知己脫風塵到頭積善成何事天地茫茫秋
又春

送人

一軸煙花滿口香諸侯相見肯相忘未聞珪璧
爲人棄莫倦江山去路長盈耳暮蟬催別騎數

杯浮蟻咽離腸
眼頭多少難甘事
自古男兒須自強

春暮途中

細雨如塵散暖空
羣鶯春色在雲中
須知觸目皆成恨
縱道多文爭那窮
飛燕有情依舊閣
垂楊無力受東風
誰能會得乾坤意
九土榮枯自不同

題陳正字林亭

曉煙輕翠拂簾飛
黃葉飄零美所思
正是低摧吾道日
不堪惆悵異鄉時
家林蛇豕方群起
官

沼龜龍未有期
賴有平原憐賤子
滿亭山色借吟詩

送從兄入京

柳轉春心梅艷香
相看江上恨何長
多情流水引歸思
無賴嚴風促別觴
大抵男兒須振奮
近來時事懶思量
雲帆高擢一揮手
目送煙霄鴈斷行

秋夕書懷寄所知

秋螢一點雨中飛
獨立黃昏思所知
三島路遙身汨沒
九天風急羽差池
年華逐浪催霜髮
旅

恨和雲拂桂枝不向故人言此事異鄉誰更念
棲遲

醜進士秦顥若

鶯默平林燕別軒相逢相笑話生前低飛旅恨
看霜葉曲寫歸情向暮川在野孤雲終捧日朝
宗高浪本蒙泉何勞悵望風雷便且混魚龍黷
武年

山中夜坐寄故里友生

展轉簷前睡不成一牀秋月竹風清蟲聲促促
催鄉夢桂影高高擣旅情禍福既能知倚伏行

藏爭不要分明可憐任永真堅白淨洗雙眸看
太平

春日題陳正字林亭

周廻勝異似仙鄉稍減愁人日月長幕繞虛簷
高岫色鏡臨危檻小池光絲垂楊柳當風軟玉
拆含桃倚徑香南北近來多少事數聲橫笛怨
斜陽

送河南韋主簿歸京

巖風愛日淚闌干去住情途各萬端世亂敢言
離別易時清猶道路行難舟維晚雨湘川暗袖

拂晴嵐峴首寒見說滿朝親友在肯教憔悴出
長安

喻道

漢武秦皇漫苦辛那思俗骨本含真不知流水
潛催老未悟三山也是塵牢落沙丘終古恨寂
寥函谷萬年春長生客待仙桃餌月裏嬋娟笑
煞人

山中

一簇煙霞榮辱外秋山留得傍簷楹朝鍾暮鼓
不到耳明月孤雲長掛情世上路歧何繚繞水

邊蓑笠稱平生尋思阮籍當時意豈是途窮泣
利名

物情

誰分萬類二儀間稟性高卑各自然野鶴不棲
葱蘢樹流鶯長喜艷陽天李斯溷鼠心應動莊
叟泥龜意已堅成是敗非如賦命更教何處認
愚賢

金谷園

石家舊地聊登望寵辱從茲信可驚鳥度野花
迷錦障蟬吟古樹想歌聲雖將玉貌同時死却

羨蒼頭此日生多積黃金買刑戮千秋成得綠
珠名

投所知

手欠東堂桂一枝家書不敢便言歸掛簷晚雨
思山閣拂岸煙嵐憶釣磯公道甚平才自薄丹
霄好上力猶微誰能借得搏扶勢萬里飄飄試
一飛

贈友弟

螢焰燒心雪眼勞未逢嘉夢見三刀他時詎有
鹽梅味今日猶疑腹背毛金埒曉羈千里駿玉

輪寒養一枝高誰能終歲搖蘋尾唯唯洋洋向
碧濤

春日喜逢鄉人劉松

故人不見五春風異地相逢嶽影中舊業久拋
耕釣侶新聞多說戰爭功生民有恨將誰訴花
木無情祇自紅莫把少年愁過日一罇須對夕
陽空

夏日別余秀才

岳麓雲深麥雨秋滿傾盃酒對湘流沙邊細柳
牽行色水面輕煙盡別愁敢待傳巖成好夢任

從礧石掛纖鈎鏡機冲漢非吾事自要青雲識
五侯

唐李推官披沙集卷第五

唐李推官披沙集卷第六

隴西李

咸用

廬陵九日

菊花山在碧江東冷酒清吟興莫窮四十三年
愁裏過幾多般事亂來空雖驚故國音書絕猶
喜新知語笑同竟日開門無客至笛聲迢遞夕
陽中

和人遊東林

一從張野卧雲林勝槩誰人更解尋黃鳥不能
言往事白蓮虛發至如今年年上國榮華夢世

世高流水石心始欲共君重
悵望紫霄峯外日沉沉

和彭進士秋日遊靖居山寺

秋山入望已無塵
况得閑遊謝事頻
問著盡能言祖祖
見時應不是真真
添瓶野水遮還急
伴塔幽花落又新
自笑未曾同逸步
終非宗炳社中人

和彭進士感懷

人生誰肯便甘休
遇酒逢花且共遊
若向雲衢陪驥尾
直須天畔落旄頭
三編大雅頻關興一

冊南華旋解憂
四海英雄多獨斷
不知何者是長籌

寄題從兄坤載村居

隣並無非樵釣者
莊生物論宛然齊
雨中寒樹愁鷗立
江上殘陽瘦馬嘶
說與衆傭同版築
呂將羣叟共磻溪
覆巢破卵方堪懼
取次梧桐鳳且棲

送黃賓于赴舉

秋風昨夜滿瀟湘
衰柳殘蟬思客腸
早是亂來無勝事
更堪江上揖離觴
澄潭濯鯉搖輕浪
落

日飛鳧趁遠檣漁父不須探去意一枝春裊月
中央

冬日喜逢吳價

垂楊煙薄井梧空千里遊人駐斷篷志意不因
多事改鬢毛難與別時同鶯遷猶待銷冰日鵬
起還思動海風窮達他年如賦命且陶真性一
杯中

題劉處士居

歷破嵐光半畝餘竹軒蘭砌共清虛泉經小檻
聲長急月過脩篁影漸踈溪鳥時時窺戶隴山

旋

雲徃徃宿庭除干戈謾道因天意渭水高人自
釣魚

送李尊師歸臨川

蟠桃一別幾千春謫下人間作至人塵外煙霞
吟不盡鼎中龍虎伏初馴除存紫府無他意終
向青冥舉此身辭我麻姑山畔去蔡經蹤跡必
相親

投知

西望長安路幾千遲回不爲別家難酌量才地
心雖動點檢囊裝意又闌自是遠人多蹇滯近

來仙榜半孤寒嘶風重訴牽鹽耻伯樂何妨轉
眼看

吳處士寄香兼勸入道

謝寄精專一稔香勸予朝禮仕虛皇須知十極
皆臣妾豈止遺生奉混茫空掛黃衣寧續壽曾
聞立教在知常但居平易俟天命便是長生不
死鄉

草蟲

如縲如織暮幽幽應節催年使我愁行客語停
孤店月高人夢斷一牀秋風低蘚逕疑偏急雨

咽槐亭得暫休須付畫堂蘭燭畔歌懷醉耳兩
悠悠

詠柳

日近煙饒還有意東垣西掖幾千株牽仍別恨
知難盡誇銜春光恐更無解引人情長婉約巧
隨風勢強盤紆天應繡出繁華景處處茸絲惹
路衢

寄所知

曾將俎豆爲兒戲爭奈干戈阻素心遁去不遘
秦客逐病來還作越人吟名流古集典衣買僻

寺竒花貫酒尋從道趨時身計拙如非所好肯
開襟

雪

上帝無私意甚微欲教霖雨更光輝也知觸處
花相似可到貧家影便稀雲漢風多銀浪濺崑
山火後玉灰飛高樓四望吟魂斂却憶明皇月
殿歸

緋桃花

茫茫天意爲誰留深染天桃備勝遊未醉已知
醒後憶欲開先爲落時愁癡蛾亂撲燈難滅躍

鯉

鯉傍驚電不收何事梨花空似雪也稱春色是
悠悠

同友人秋日登庾樓

蘭摧菊暗不勝秋倚著高樓思莫收六代風光
無問處九條煙水但凝愁誰能百歲長閑去祇
箇孤帆豈自由欲學仲宣知是否臂弓腰劍逐
時流

和人詠雪

輕輕玉疊向風加襟袖誰能認六葩高岫人迷
千尺布平林天與一般花橫空落驛雲遺屑撲

浪翻聯蝶寄槎公子樽前流遠思不知何處客
程賒

和友人喜相遇十首

為儒自愧已多年文賦歌詩路不專肯信披沙
難見寶只憐苦草易成編燕昭寤寐常求駿郭
隗尋思未是賢且固初心希一試箭穿正鵠豈
無緣

揣情摩意已無功只把篇章助國風宋玉謾誇
雲雨會謝思寧許夢魂通愁成旅鬢千絲亂吟
得寒缸短焰終難世好居郊野地出門常喜與

人同

惠子休矜學五車沛公方起斬長蛇六雄互欲
吞諸國四海終須作一家自古經綸成世務暫
時朱綠比朝霞人生心口宜相副莫使堯階草
勢斜

不傍江煙訪所思更應無處展愁眉數杯竹閣
花殘酒一局松窓日午棊多病却疑天與便自
愚潛喜衆相欺非窮非達非高尚冷笑行藏祗
獨知

閑吟閑坐道相應遠想南華亦自矜拋擲家鄉

輕似夢尋常心地冷於僧和羹使用非胥靡憶
鱸言詞小季鷹唯仗十篇金玉韻此中高旨莫
階升

已向丘門老此軀可堪空作小人儒吟中景象
千般有書外囊裝一物無潤屋必能知早散輝
山應是不輕沽短衣寧倦重修謁誰識高陽舊
酒徒

松桂寒多衆木分輕浮如葉自紛紜韶咸古曲
教誰愛山水清音喜獨聞上國共知傳大寶舊
交寧復在青雲相逢莫厭杯中酒同醉同醒祇

有君

還淳反朴已難期依德依人敢暫違寡欲自應
剛正立無私翻覺友朋稀旄頭影莫侵黃道傅
說星終近紫微年紀少他蘧伯玉幸因多難早
知非

麻衣未識帝城塵四十爲儒是病身有恨不關
街國耻無愁直爲倚家貧齊輕東海二高士漢
重商山四老人一種愛閑閑不得混時行止却
應真

任說天長海影沉友朋情比未爲深唯應樂處

無虛日太半危時得道心命達天殤同白首價
高甌瓦卽黃金他年有要玄珠者赤水縈紆試
一尋

依韻修睦上人山居十首

生身便在亂離間遇柳逢花作麼看老去轉諳
無是事本來何處有多般長憐蠖螾能隨暖獨
笑梧桐不耐寒覆載我徒爭會得大鵬飛尚未
知寬

雲泉日日長松寺絲竹年年細柳營靜躁殊途
如自識榮枯一貫亦何爭道傍病樹人從老溪

上新苔我獨行若見淨名居士語逍遙全不讓
莊生

莫言天道終難定須信人心盡自輕宣室三千
雖有恨成周八百豈無情柏緣執性長時瘦梅
爲多知兩番生不是不同明主意懶將唇舌與
齊烹

不論軒冕與漁樵性與情違漸漸遙季子禍從
憐富貴顏生道在樂簞瓢清閑自可齊三壽忿
恨還須戒一朝好學堯民隈舜日短裁孤竹理
雲韶

春風春雨一何頻，望極空江覺損神。
鶯有來山重入谷，柳無情緒強依人。
漢庭謁者休言事，魯國諸生莫問津。
賴是水鄉樗櫟賤，滿鑪紅焰且相親。

三十年來要自觀，履春冰恐未爲難。
自於南國同埋劍，誰向東門便掛冠。
早是人情飛絮薄，可堪時令太行寒。
多慙幸住匡山下，偷得濃嵐坐卧看。

畹蘭未必因香折，湖象多應爲齒焚。
兼濟直鏡同巨楫，自由何似學孤雲。
秋深櫟菌樵來得，

末山鼯夢斷聞閑，凭竹軒遊子過，替他愁見日西曛。

何事深山嘯復歌，短弓長劍不如他。
且圖青史垂名穩，從道前賢自滯多。
鴟鷃敢辭棲短棘，鳳皇猶解怯高羅。
人生若得逢堯舜，便是巢由亦易過。

太玄太易小窓明，古義尋來醉復醒。
西伯縱逢頭已白，步兵如在眼應青。
寒猿斷後雲橫檻，宿鳥驚時月滿庭。
此景得閑閑去得，人間無事不曾經。

壯氣雖同德不同項王何似王江東鄉歌寂寂
荒丘月漁艇年年古渡風難世斯人猶不達此
時吾道豈能通吟君十首山中作方覺多端揔
是空

同友生春夜聞雨

春雨三更洗物華亂和絲竹響豪家滴繁知在
長條柳點重愁看破朶花簷靜尚疑兼霧細燈
搖應是逐風斜此時農叟渾無夢爲喜流膏潤
穀牙

同友生題僧院桂鷓花

得春字

若比衆芳應有在難同上品是中春牡丹爲性
踈南國朱槿操心不滿旬留得却緣真達者見
來寧作獨醒人鶴林太盛今空地莫放枝條出
四隣

同玄昶上人觀山榴

病隨支遁偶行行正見榴花獨滿庭瘦竹成林
人不看却應暮得強青青

別李將軍

一拜虬髯便受恩宮門細柳五搖春男兒自古
多離別懶對英雄淚滿巾

早雞

錦翅朱冠驚四隣
稻梁恩重職司晨
不知下土兵難戢
但報明時向國人

別友人

北吹微微動旅情
不堪分手在平明
寒雞不待東方曙
喚起征人踏月行

唐李推官披沙集卷第六

詩集卷上

莆田 黃 滔 文江

送僧歸北巖寺

北巖泉石清本自
高僧住新松五十年
藤蘿成

古樹題詩昔佳士

滔表丈從叔有名於當時兼四門薛博士俱曾題詩

清風二林

喻上智失扣關多
被浮名誤蓮局壓月
澗空美黃金布江翻
島嶼沈木落樓臺露
伊余東還際每起煙
霞慕旋為儉府招未
得窮野步西軒白雲
閣師辭洞庭寓越城
今送歸心到焚香處

寓言

流年五十前朝朝依少年流年五十後日日侵
皓首非通非介人誰論四十九賢哉蘧伯玉清
風獨不朽

長安書事

終不離青山誰道雲無心却是白雲士有時出
中林昨日擎紫泥明日要黃金炎夏羣木死北
海驚波深伏蒲無一言草疏賀德音

賈客

大舟有深利滄海無淺波利深波也深君意竟
如何鯨鯢齒上路何如少經過

寄友人

君愛桃李花桃李花易飄妾憐松柏色松柏色
難彫當年識君初指期非一朝今辰見君意日
暮何蕭條人間有勢利孰能無囂囂

落花

落花辭高樹最是愁人處一一旋成泥日暮有
風雨不如沙上蓬根斷隨長風飄然與道俱無
情任西東

書懷寄友人

此生如孤燈素心挑易盡不及如頑石非與磨

龔近常思揚子雲五藏曾離身寂寞一生中千
載空清芬

閨怨

妾家五嶺南君戍三城北鴈來雖有書衡陽越
不得別久情易料豈在窺翰墨塞上無煙花寧
思妾顏色

喜翁文堯負外病起

衛玠羊車懸長卿駟馬姿天嫌太端正神乃滅
風儀飲冰俾消渴斷穀皆清羸越僧誇艾炷秦
女隔花枝自能論苦器語見泗州和尚碑不假求良醫驚

殺漳濱鬼錯與劉生隨昨日已成虎今朝謁荀
池揚鞭入王門四面人熙熙青桂任霜霰尺璧
無瑕疵迴塵却惆悵歸闕難遲遲

寄徐正字寅

八月月如冰登樓見姑射美人隔千里相思無
羽駕紅蘭裛露衰誰似流光訝何當詩一句同
吟祝玄化

秋夕貧居

聽歌桂席闌下馬裊煙裏豪門腐梁肉窮巷思
糠粃孤燈照獨吟半壁秋花死遲明亦如晦雞

唱徒爲爾

送李山人往湘中

漢渚往湘川乘流入遠天
新秋無岸水明月有琴船
露坐應通曉萍居恐隔年
嶽峯千萬仞知上嘯猿巔

書崔少府居

一作贈李補闕

魯史蜀琴旁陶然舉一觴
夕陽明島嶼秋水淺池塘
世亂憐官替家貧值歲荒
前峯亦曾宿知有辟寒方

敷水盧校書

九霄無詔下何事近清塵
宅帶松蘿僻日唯猿鳥親
吟高仙掌月期有洞庭人
莫問煙霞句懸知見嶽神

寄漢上友人

襄漢多清景東遊已不能
蒹葭照流水風雨撲孤燈
獻賦聞新鴈思山見去僧
知君北來日惆悵亦難勝

貽林鐸

終被春闈屈低回至白頭
寄家僧許嶽釣浦雨移洲
戰士曾憐善豪門不信愁
王孫草還綠何

處擬羈遊

書懷

退耕逢歉歲逐貢愧行朝道在愁雖淺吟勞鬢
欲闕破村虹入井孤館客投魑誰怕秋風起聽
蟬度渭橋

送陳明府歸衡陽

雛鶴兼留下單車出柳煙三年兩殊考一日數
離筵久別湖波綠相思嶽月圓翠蘿曾隱處定
恐却求仙

秋辭江南

灞陵橋上路難負一年期積雨鴻來夜重江客
去時勞生多故疾漸老少新知惆悵都堂內無
門雪滯遺

入關旅次言懷

寸心唯自切上國與誰期月晦時風雨秋深日
別離便休終未肯已苦不能疑獨愧商山路千
年四皓祠

寄鄭縣李侍御

古縣新煙火東西入客詩靜長如暇日貧更甚
閑時僧借松蘿住人將雨雪期三年一官罷嶽

石看成碑

上李補闕

十洲非暫別龍尾肯慵登諫草封山藥朝衣施
衲僧月留江客待句歷釣船徵終恐林棲去餐
霞葉上昇

傷翁外甥

江頭去時路歸客幾紛紛獨在異鄉歿若爲慈
母聞青春成大夜新雨壞孤墳應作芝蘭出泉
臺月桂分

貽李山人

野步愛江濱江僧得見頻新文無古集往事有
清塵松竹寒時雨池塘勝處春定應雲雨內陶
謝是前身

逢友人

彼此若飄蓬二年何所從帝都秋未入江館夜
相逢瘴嶺行衝夏邊沙住隔冬旅愁論未盡古
寺扣晨鐘

寄湘中鄭明府

縣與白雲連滄洲况縣前嶽僧同夜坐江月看
秋圓琴拂莎庭石茶擔乳洞泉莫耽雲水興疲

俗待君痊

寄從兄璞

縱徵終不起相與避煙塵待到中興日同看上
國春新詩說人盡舊宅落花頻移覓深山住啼
猿作四鄰

寄李校書遊簡寂觀

古觀雲溪上孤懷永夜中梧桐四更雨山水一
庭風詩得如何句仙遊最勝宮却愁逢羽客相
與入煙空

寄友人山居

斷嶠滄江上相思恨阻尋高齋秋不掩幾夜月
當吟落石有泉滴盈庭無樹陰茫茫名利內何
以拂塵襟

上刑部盧員外

誰識在官意開門樹色間尋幽頻宿寺乞假擬
歸山半白侵吟鬢微紅見藥顏不知琴月夜幾
客得同閑

送友人遊邊

虜酒不能濃縱傾愁亦重關河初落日霜雪下
窮冬野燒枯蓬旋沙風匹馬衝薊門無易過千

里斷人蹤

一作遊子
莫從容

和友人酬寄

新發煙霞詠高人得以傳吟銷松際雨冷咽石
間泉大國兵戈日故鄉饑饉年相逢江海上寧
免一潸然

下第

昨夜孤燈下闌干泣數行辭家從早歲落第在
初場青草湖田改單車客路忙何人立功業新
命到封王

過商山

燕鴈一來後人人盡到關如何衝臘雪獨自過
商山羸馬高坡下哀猿絕壁間此心無處說鬢
向少年斑

旅懷

蕭颯聞風葉驚時不自堪宦名中夜切人事長
年諳古畫僧留與新知客遇談鄉心隨去鴈一
一到江南

冬暮山舍喜標上人見訪

寂寞三冬杪深居業盡拋逕松開雪後砌竹忽
僧敲茗汲冰銷溜鑪燒鵲去巢共談慵僻意微

日下林梢

關中言懷

三秦五嶺意不得不依然跡寓枯槐曲業無芳
草川花當落第眼雨暗出城天層閣浮雲外何
人動管絃

題友人山居

一作居

到君棲跡所竹逕與衡門亦在乾坤內獨無塵
俗喧新泉浮石蘚崩壁露松根更說尋僧處孤
峯上嘯猿

題友人山齋

踈竹漏斜暉庭間陰復遺句成苔石茗吟弄雪
窻碁沙草泉經澀林齋客集遲西風虛見逼未
擬問京師

書事

望歲心空切耕夫盡把弓千家數人在一稅十
年空沒陣風沙黑燒城水陸紅飛章奏西蜀明
詔與殊功

題山居逸人

十畝餘蘆葦新秋看雪霜世人誰到此塵念自
應忘斜日風收釣深秋雨信梁不知雙闕下何

以謂軒裳

題鄭山人居

履迹徧莓苔幽枝間藥栽枯杉擎雪朶破牖觸
風開泉自孤峯落人從諸洞來終期宿清夜斟
茗說天台

秋晚山居

爽氣徧搜空難堪倚望中孤煙愁落日高木病
西風山寂樵聲出露涼蟬思窮此時塵外事幽
默幾人同

遊山

洞門穿瀑布塵世豈能通曾有遊山客來逢採
藥翁異花尋復失幽逕躡還窮擬作今宵計風
雷立滿空

題王侍御宅內亭子

俗間塵外境郭內宅中亭或有人家創還無蓮
幕馨石曾湖岸見琴誤嶽樓聽來客頻頻說終
須作畫屏

題道成上人院

花宮城郭內師住亦清涼何必天台寺幽禪瀑
布房簾舒湘竹滑茗煮蜀芽香更看道高處君

侯題翠梁

貧居冬杪

數塞未求通吾非學養蒙窮居歲杪兩孤坐夜
深風年長慙昭代才微辱至公還愁把春酒雙
淚污杯中

東山之遊未遂漸逼行期作四十字奉

寄翁文堯負外

輶車難久駐須到別離時北闕定歸去東山空
作期綠苔勞埽徑丹鳳欲銜詞楊柳開帆岸今
朝泪已垂

貽張蟪同年

一本題下有
同年二字

夢思非一日攜手却淒涼詩見江南電遊經塞
北霜驅車先五漏把菊後重陽惆悵天邊桂誰
教歲歲香

寄邊上從事

斜日下孤城長吟出點兵羽書和客卷邊思雜
詩情朔雪定鴻翼西風嚴角聲吟餘多獨坐沙
月對樓生

題東林寺元祐上人院

廬阜東林寺良遊恥未曾半生隨計吏一日對

禪僧泉遠攜茶看峯高結伴登迷津出門是子
細問三乘

送陳樵下第東歸

青山烹茗石滄海寄家船雖得重吟歷終難任
意眠礎踈連寺柳風爽徹城泉送目紅蕉外來
期已杳然

寄陳磻隱

一本題下有居字

道經前輩許名拔後時喧虛左中興榜無先北
海樽新聞漢氏史別墅謝公村須到三徵處堂
堂謁帝闈

寄林寬

相知四十年故國與長安俱喜今辰在休論往
歲難海鳴秋日黑山直夏風寒終始前儒道昇
沈盡一般

退居

老歸江上村孤寂欲何言世亂時人物家貧後
子孫青山寒帶雨古木夜啼猿惆悵西川舉戎
裝度劔門

送友人邊遊

銜杯國門外分手見殘陽何日還南越今朝住

北荒砂城經雨壞虜騎入秋狂新詠關山月歸
吟鬢的霜

下第出京

還失禮官求花時出雍州一生爲遠客幾處未
曾遊故疾江南雨單衣薊北秋茫茫數年事今
日淚俱流

遊東林寺

平生愛山水下馬虎溪時已到終嫌晚重遊預
作期寺寒三伏雨松偃數朝枝翻譯如曾見白
蓮開舊池

晚春關中

忍歷通莊出東風舞酒旗百花無看處三月到
殘時遊塞聞兵起還吳值歲饑定唯荒寺裏坐
與噪蟬期

河梁

五原人走馬昨夜到京師繡戶新夫婦河梁生
別離隴花開不艷羌笛靜猶悲惆悵良哉輔鏘
鏘立鳳池

送翁拾遺

還家俄赴闕別思肯淒淒山坐輶車看詩將諫

筆題天開中國大地設四維
低拜舞吾君後青雲更有梯

贈懷光上人

謝城還擁入師以接人勞過
午休齋慣離經吐論高頂寒
拳素髮珠銳走紅條終憶泉
山寺聽猿看海濤

憶廬山舊遊

前年入廬嶽數宿在靈溪殘
燭松堂掩孤峯月狷啼平生
爲客老勝境失雲棲縱有重
遊日煙霞會恐迷

別友人

莫恨東牆下頻傷命不通
苦心如有感他日自推公
雨夜扁舟發花時別酒空
越山煙翠在終媿卧雲翁

陳侍御新居

幕客開新第詞人徧有詩
山憐九仙近石買太湖
竒樹勢想高日地形誇得
時自然成避俗休與白雲
期

寄少常盧同年

官拜少常休青緇換鹿裘
狂歌離樂府醉夢到

瀛洲古器巖耕得神方客謎留清溪莫沈釣王者或畋遊

詩集卷上

詩集卷下

莆田 黃滔 文江

送林寬下第東歸

為君惆悵惜離京年少無人有屈名積雪未開
移發日鳴蟬初急說來程楚天去路過飛鴈灞
岸歸塵觸鎖城又得新詩幾章別煙村竹逕海
濤聲

商山贈隱者

誰不相逢話息機九重城裏自依依蓬萊水淺
有人說商洛山高無客歸數隻珍禽寒月在千

株古木熱時稀西窗昨夜鳴蛩盡知夢芝翁起
扣扉

送二友遊湘中

千里楚江新雨晴同征肯恨迹如萍孤舟泊處
聯詩句八月中旬宿洞庭爲客早悲煙草綠移
家晚失嶽峯青今來無計相從去歸日汀洲乞
畫屏

塞下

正馬蕭蕭去不前平蕪千里見窮邊關山色死
秋深日鼓角聲沈霜重天荒骨或銜殘鐵露驚
杳然

下第東歸留辭刑部鄭郎中誠

去違知己住違親欲發羸蹄進退頻萬里家山
歸養志數年門館受恩身鶯聲歷歷秦城曉柳
色依依灞水春明日藍田關外路連天風雨一
行人

寄懷南北故人

秋風昨夜落芙蓉一片離心到外區南海浪高
書墮水北州城破客降胡玉窻挑鳳佳人老綺

陌啼鶯碧樹枯嶺上青嵐隴頭月時通魂夢出
來無

關中言懷

事事朝朝委一樽自知無復解趨奔試期交後
猶爲客公道開時敢說冤窮巷住來經積雨故
山歸去見荒村舉頭盡到斷腸處何必秋風江
上猿

閨怨

寸心杳與馬蹄隨如脫形容在錦帷江上月明
船發後花間日暮信迴時五陵夜作酬恩計四

塞秋爲破虜期待到乘輅入門處淚珠流盡玉
顏衰

旅懷

未喫金丹看十洲乃將身世作仇讎羈遊數地
值兵亂宿在孤城聞雨秋東越雲山卻思隱西
秦霜霰苦頻留他人折盡月中桂惆悵當年江
上鷗

別友人

已喜相逢又怨嗟十年飄泊在京華大朝多事
還停舉故國經荒未有家烏帶夕陽投遠樹人

衝臘雪往邊沙夢魂空繫瀟湘岸煙水茫茫蘆
葦花

寄羅浮山道者二首

天際雙山壓海濱天漫絕頂海漫根時聞雷雨
驚樵客長有龍蛇護洞門泉石暮含朱槿晝煙
霞冬閉木綿溫林間學道如容我今便辭他寵
辱喧

有人曾見洞中仙纔到人間便越年金鼎藥成
龍入海玉函書發鶴歸天樓開石脉千尋直山
折鼇鱗一半膾誰到月明朝禮處翠巖深鎖荔

枝煙

喜侯舍人蜀中新命三首

八都詞客漫喧然誰解飛揚誥誓間五色綵毫
裁鳳詔九重天子豁龍顏巴山月在趨朝去錦
水煙生入閣還謀及中興多少事莫愁明月不
收關

却搜文學起吾唐暫失都城亦未妨錦里幸爲
丹鳳闕幕賓徵出紫薇郎來時走馬隨中使到
日援毫定外方若以掌言看諫獵相如從此病
輝光

賈誼纔承宣室召左思唯預祕書流賦家達者
無過此翰苑今朝是獨遊立被御爐煙氣逼吟
經棧閣雨聲秋內人未識江淹筆竟問當時不
早求

經安州感故鄭郎中二首

雲夢江頭見故城人間四十載垂名馬蹄踐處
東風急雞舌銷時北闕驚嶽客出來尋古劔野
猿相聚叫孤瑩騰身飛上鳳凰閣惆悵終乖吾
黨情

錦帳先生作牧州干戈缺後見荒丘兼無姓賈

兒童在空有還珠煙水流江句行人吟刻石月
腸是處象登樓旅魂頻此歸來否千載雲山屬
一遊

出京別崔學士

一從門館徧投文旋忝恩知驟出羣不道鶴雞
殊羽翼許依龍虎借風雲命竒未便乘東律言
重終期雪北軍欲逐飄蓬向岐路數宵垂淚戀
清芬

鴈

楚岸花晴塞柳衰年年南北去來期江城日暮

見飛處旅館月明聞過時萬里風霜休更恨滿
川煙草且須疑洞庭雲水瀟湘雨好把寒更一
一知

寄越從事林嵩侍御

子虛詞賦動君王誰不期君入對敷莫戀兔園
留看雪已乘驄馬合凌霜路歸天上行方別道
在人間久更香應念都城舊吟客十年蹤跡委
滄浪

長安書事

一年年課數千言口祝心祠挈出門孤進難時

誰肯薦主司通處不須論頻秋入自邊城雪昨
日聽來嶺樹猿若有水田過十畝早應歸去狄
江村

旅懷寄友人

重疊愁腸只自知苦於吞蘂亂於絲一船風雨
分襟處千里煙波回首時故國田園經戰後窮
荒日月逼秋期鳴蟬似會悠揚意陌上聲聲怨
柳衰

放榜日從此成名後作

吾唐取士最堪誇仙榜標名出曙霞白馬嘶風

昭宗乾寧二年崔凝秀定進士張昭憲等二十五人復命所司覆內出四題乃曲直不相入賦良以獻問賦詢於葛美詩品物咸賦詩趙觀文程晏崔贊崔文寶四人并盧昭育說封渭章希震張翥黃滔盧鼎王自白沈崧陳曉李龜補十一人并及第其張昭憲孫溥李光序李樞李途等五人且令落許滋再舉其在曠蘇楷杜承昭鄭稼寺四人不全再舉內入盧唐稱疾不至宣令昇入又云華陰省親其父泣進狀乞落下

故就試止二十四人也
原注御試題下

三十轡朱門秉燭一千家
郊詵聯臂升天路
宣聖飛章奏日華
其年當日奏試
歲歲人人來不得
曲江煙水杏園花

御試二首

已表隋珠各自攜
更從瓊殿立丹梯
九華燈作三條燭
萬乘君懸四首題
靈鳳敢期翻雪羽
洞簫應或諷金閨
明朝莫惜場場醉
青桂新香有紫泥
六曹三省列簪裾
丹詔宣來試士初
不是玉皇疑羽客
要教金榜帶天書
詞臣假寐題黃絹
宮

女敲銅奏子虛
御目四篇酬九百
敢從燈下略躊躇

二月二日宴中貽同年封先輩渭

帝堯城裏日銜盃
每倚嵇康到玉頰
桂苑五更聽榜後
蓬山二月看花開
垂名入甲成龍去
列姓如丁作鶴來
同戴大恩何處報
永言交道契陳雷

新野道中

野堂如雪草如茵
光武城邊一水濱
越客歸遙春有雨
杜鵑啼苦夜無人
東堂歲去銜盃嬾
南

浦期來落淚頻莫道還家不惆悵蘇秦羈旅長
卿貧

酬俞鈞

鄉書一忝薦延恩二紀三朝泣省門雖忝立名
經聖鑒敢期興詠疊嘉言莫論蟾月無梯接大
底龍津有浪翻今日朝廷推草澤佇君承詔出
雲根

寄同年崔學士仁寶

半因同醉杏花園塵忝鴻鑪與鑄顏已脫素衣
酬素髮敢持青桂愛青山雖知珠樹懸天上終

賴銀河接世間畢使海涯能拔宅三秦二十四
畿寰

寄陳侍御

千年二相未全誇故劉相趙相曾從事閩中猶闕閩城賀降麻
何必錦衣須太守別無蓮幕勝王家醴泉湧處
休論水黃菊開時獨是花九級燕金滿樽酒卻
愁隨詔謁承華

酬徐正字寅

已免蹉跎負歲華敢辭霜鬢雪呈花名從兩榜
考昇第官自三台迫起家疋馬有期歸輦轂故

山無計戀桑麻莫言蓬閣從容久披處終知金
在沙

辭府相

時蒙堂帖追赴闕

從漢至唐分五州誰爲將相作諸侯閩江似鏡
正堪戀秦客如蓬難久留疋馬忍辭藩屏去小
才寧副廟堂求今朝拜別幙幢下雙淚如珠滴
不休

寄羅郎中隱

休向中興雪至冤錢塘江上看濤翻三徵不起
時賢議九轉終成道者言綠酒千盃腸已爛新

詩數首骨猶存瑤蟾若使知人事仙桂應遭蠹
卻根

江行遇王侍御

數年分散秦吳隔暫泊官船浦柳中新草軍書
名更重久辭山逕業應空渡頭潮落將行客天
際風高未宿鴻此日相逢魂合斷賴君身事漸
飛沖

客舍秋晚夜懷故山

寥寥深巷客中居況值窮秋百事踈孤枕憶山
千里外破牕聞雨五更初經年荒草侵幽逕幾

樹西風鎖弊廬長繫寸心歸未得起挑殘燭獨
躊躇

絳州鄭尚書

旌旗日日展東風雲稼連山雪刃空剖竹已知
垂鳳食摘珠何必到龍宮諫垣虛位期飛步翰
苑含毫待紀公誰謂唐城諸父老今時得見蜀
文翁

喜陳先輩及第

嶠

今年春已到京華天與吾曹雪怨嗟甲乙中時
公道復朝廷看處主司誇飛離海浪從燒尾燕

卻金丹定易牙不是架前偏落羽錦城爭得杏
園花

延福里居和林寬何紹餘疇寄

長說愁吟逆旅中一庭深雪一窻風眼前道路
無心覓象外煙霞有句通幾度相留侵鼓散頻
聞會宿著僧同高情未以干時廢屬和因知興
不窮

贈宿松陽明府

溪上家家禮樂新始知爲政異常倫若非是水
清無底爭得如冰凜拂人月狝聲和琴調咽煙

村景接柳條春宦遊兼得逍遙趣休憶三吳舊
釣津

送僧

纔年七歲便從師猶說辭家學佛遲新斲松蘿
還不住愛尋雲水擬何之孤溪雪滿維舟夜疊
嶂猿啼過寺時鳥道龍湫悉行後豈將翻譯負
心期

贈鄭明府

庭羅衙吏眼看山真恐風流是謫仙垂柳五株
春姪姹琴一弄水潺湲援毫斷獄登殊考駐

樂題詩得出聯莫起陶潛折晉歎才高位下始
稱賢

江州夜宴獻陳貞外

多少歡娛簇眼前潯陽江上夜開筵數枝紅蠟
啼香淚兩面青娥折瑞蓮清管徹時斟玉醕碧
籌回處擲金船因知往歲樓中月占得風流是
偶然

湘中贈張逸人

羽衣零落帽欹斜不自孤峯即海沙曾爲蜀山
成寓跡又因湘水擬營家鳴琴坐見燕鴻沒曳

履吟忘野逕賒更愛扁舟宿寒夜獨聽風雨過
蘆花

寓題

紛紛墨勅除官日處處紅旗打賊時竿底得璜
猶未用夢中吞鳥擬何爲損生莫若攀丹桂免
俗無過詠紫芝兩岸蘆花一江水依前且把釣
魚絲

題陳山人居

猶自莓苔馬跡重石嵌泉冷嬾移峯空垂鳳食
簷前竹漫拔龍形澗底松隔岸青山秋見寺半

牀明月夜聞鐘誰能惆悵磻溪事今古悠悠不
再逢

宿李少府園林

一壺濁酒百家詩住此園林守選期深院月涼
留客夜古杉風細似泉時嘗頻異茗塵心淨議
罷名山竹影移明日綠苔渾埽後石庭吟坐復
容誰

送友人明經及第東歸

十問九通離義牀今時登第信非常亦從南院
看新榜旋束春關歸故鄉水到吳門方見海樹

黃酒詩下
侵閩嶺漸無霜知君已塞平生願日與交親醉
幾場

斷酒

未老先為百病仍醉盃無計接賓朋免遭拽盞
郎君謔還被簪花錄事憎絲管合時思索馬池
塘晴後獨留僧何因澆得離腸爛南浦東門恨
不勝

寄蔣先輩

在蘇州

夫差宮苑悉蒼苔攜客朝遊夜未回塚上題詩
蘇小見許殿切江頭酬酒伍負來秋風急處煙花

落明月中時水寺開千載三吳有高跡虎丘山
翠益崔嵬

旅懷

雪貌潛凋雪髮生故園魂斷弟兼兄十年除夜
在孤館萬里一身求大名空有新詩高華嶽已
無丹懇出秦城侯門莫問曾遊處槐柳陰中肝
膽傾

南海幕和段先輩送韋侍御赴闕

樹色川光入暮秋使車西發不勝愁壁連標格
驚分散雪課篇章互唱疇魏闕別當飛羽翼燕

臺獨且占風流滿園歌管涼宵月此後相思幾
上樓

寄南海黃尚書

五羊城下駐行車此事如今八載餘燕領已知
飛食肉龍門猶自退爲魚紅樓入夜笙歌合白
社驚秋草木踈西望清光寄消息萬重煙水一
封書

送人往蘇州覲其兄

闔閭城外越江頭兩地煙濤一葉舟到日荆枝
應便茂別時珠淚不須流迎歡酒醒山當枕詠

古詩成月在樓明日樽前若相問爲言今訪赤
松遊

遊東林寺

長生猶自重無生言讓仙祠佛寺成碑折誰忘
康樂制山靈表得遠公名松形入漢藤蘿短僧
語離經耳目清莫怪遲遲不歸去童年已夢遶
林行

贈旌德呂明府

渥洼步數太阿姿爭遣王侯不奉知花作城池
入官處錦隨刀尺少年時兩衙斷獄兼留客三

考論功合樹碑須信隔簾看刺史錦章朱紱已
歲蕤

賀清源僕射新命

雖言嵩嶽秀崔嵬少降連枝命世才南史兩榮

唯百揆東閩雙拜有三台

南京表憲兄弟同為僕射
當時榮之殊未若今清源

與府城並拜僕射
兼帶台席之尊

二天在頂家家詠丹鳳銜書歲歲

來虛說古賢龍虎盛誰攀荆樹上金臺

浙幕李端公泛建溪

越城吳國結良姻交發芙蓉幕內賓自顧幽沈
槐省跡得陪清顯諫垣臣分題曉並蘭舟遠對

坐宵聽月狄頻更愛延平津上過一雙神劍是
龍鱗

貽宋評事

河陽城裏謝城中入曳長裾出佩銅燕國金臺
無別客陶家柳下有清風數蹤篆隸書新得一
竈屯蒙火細紅時說三吳欲歸處綠波洲渚紫
蒲蘩

催裝

北府迎塵南郡來莫將芳意更遲回雖言天上
光陰別且被人間更漏催煙樹迴垂連蒂杏彩

童交捧合歡杯吹簫不是神仙曲爭引秦娥下
鳳臺

寓題

每憶家山即涕零定須歸老舊雲扃銀河水到
人間濁丹桂枝垂月裏馨霜雪不飛無翠竹鯨
鯢猶在有青萍三千九萬平生事却恨南華說
北溟

傷蔣校書德山

誰到雙溪溪岸傍與招魂魄上蒼蒼世間無樹
勝青桂隴上有花唯白楊秦苑火燃新賦在越

城山秀故居荒如何萬古雕龍手獨是相如識
漢皇

寄楊贊圖學士

學士與元昆俱
以龍腦登選

東堂第一領春風時怪關西小驥慵華表柱頭
還有鶴華歆名下別無龍君恩鳳閣含毫數詩
景珠宮列肆供今日江南駐舟處莫言歸計爲
雲峯

酬楊學士

神仙簿上愧非夫詔作疑丹兩入爐詩裏幾曾
吟芍藥花中方得見苜蒲陽春唱後應無曲明

月圓來別是珠莫下蓬山不迴首東風猶待重
搏扶

寄同年李侍郎龜正

石門南面淚浪浪自此東西失帝鄉崑璞要疑
方卓絕大鵬須息始開張已歸天上趨雙闕忽
喜人間捧八行莫道秋霜不滋物菊花還借後
時黃

鐘陵故人

滕王閣下昔相逢此地今難訪所從唯愛金籠
貯鸚鵡誰論鐵柱鎖蛟龍荆榛翠是錢神染河

嶽期須國士鍾一筋鱸魚千古美後人終少繼
前蹤

故山

支頤默省舊林泉石徑茅堂到日前衰碧鳴蛩
莎有露濃陰歇鹿竹無煙水從井底通滄海山
在窻中倚遠天何事蒼髯不歸去燕昭臺上一
年年

塞上

塞門關外日光微角怨單于鴈駐飛衝水路從
冰解斷踰城人到月明歸燕山臘雪銷金甲秦

苑秋風脆錦衣欲弔昭君倍惆悵漢家甥舅竟
相違

烏石村

即林希劉故居

往日江村今物華一迴登覽一悲嗟故人歿後
城頭月新烏啼來隴上花賣劔錢銷知絕俗聞
蟬詩苦即思家謝公古郡青山在三尺孤墳撲
海沙

寄同年盧負外

聽盡鶯聲出雍州秦吳煙月十經秋龍門在地
從人上郎省連天須鶴遊休戀一臺推妙絕已

經三字入精求當年甲乙皆華顯應念槐宮今
雪頭

寄同年封舍人渭

時得來書

唐城接軫赴秦川憂合歡離驟十年龍領摘珠
同泳海鳳銜輝翰別昇天八行真跡雖收拾四
戶高高奈隔懸能使丘門終始雪莫教華髮獨
潸然

遇羅負外袞

灞陵橋外駐征轅此一分飛十六年豸角戴時
垂素髮雞香舍處隔青天綺園難貯林棲意班

馬須持筆削權可忘自初相識地秋風明月客
廊延

送翁貞外承贊

誰言吾黨命多奇榮美如君歷數稀衣錦還鄉
翻是客迴車謁帝卻爲歸鳳旋北闕虛丹穴星
復南宮逼紫微已分十旬無急詔天涯相送只
沾衣

翁文堯貞外捧金紫還鄉之命雅發篇
章將原交情遠爲嘉貺洎燕鴻陸犬
楚水荆山又吐瓊瑤逮之幽鄙雖湧

泉思觸逸興皆虛而強韻押難非才
頗愧輒茲酬和以質獎私

搏將盛事更無餘還向橋邊看舊書東越獨推
生竹箭北溟喜足貯鯤魚兩迴誰解歸華表午
夜兼能薦子虛滔前年蒙文堯貞外
以長牋薦於時相須把頭冠彈
盡日憐君不與故人踈

奉和翁文堯貞外經過七林書堂見寄

之什

朱旗引入昔茆堂半日從容盡日忙駟馬寶車
行賜禮金章紫綬帶天香山從南國添煙翠龍

起東明認夜光定恐故園留不住竹風松韻漫
淒鏘

奉酬翁文堯負外駐南臺見寄之什

人指南臺山與川大驚喜氣異當年花迎金冊
非時拆月對瓊盃此夜圓我愛藏冰從夏結君
憐修竹到冬鮮殷勤更抱鳴琴撫為憶秦兒識
斷弦

翁文堯負外擁冊禮之歸一路有詩名

畫錦集先將寄示因書五十六字

六窠只佩諸侯印爭比從天擁冊歸一軸郢人

歌處雪兩重朱氏著來衣閩山秀已鍾君盡洛
水波應濺我稀明日陪塵迎駟馬定准齋沐看
光輝

奉和翁文堯十九負外中謝日蒙恩賜

金紫之什

面蒙君賜自龍墀誰是還鄉一襲衣三品易懸
鱗鬣赫八絲展起綵章飛夔為勝事垂千古題
作新詩啓七微嚴助買臣精魄在定應羞著昔
年歸

奉和翁文堯負外文秀光賢畫錦三首

鄉名里號一朝新乃覺台恩重萬鈞建水閩山
無故事長卿嚴助是前身清泉引入旁添潤嘉
樹移來別帶春莫凭欄杆剩留駐內庭虛位待
才臣文秀亭

雖言閩越繫生賢誰是還家寵自天山簡媿兼
諸郡命鄭玄慙秉六經權鳥行去沒孤煙樹漁
唱還從碧島川休說遲迴未能去夜來新夢禁
中泉光賢閣

君王面賜紫還鄉金紫中推是甲裳華構便將
垂美號故山重更發清光水澄此日蘭宮鏡樹

憶當年柏署霜珍重朱欄兼翠拱來來皆自讀
書堂畫錦堂

奉酬翁文堯負外神泉之遊見寄嘉什
含雞假豸喜同遊野外嘶風並紫駟松竹迴尋
青嶂寺姓名題向白雲樓泉源出石清消暑僧
語離經妙破愁爭奈愛山尤戀闕古來能有幾
人休

輒吟七言四韻琴
寄翁文堯拾遺

唐設高科表用文吾曹誰作諫垣臣甌山秀氣
曠千古鳳闕華恩鍾二人起草便論天上事如

君不是世間身龍頭鳳尾前年夢今日須憐應

若神

滔卯年冬在宛陵夢文堯作狀頭及第又申四月十二夜在清源夢到殿前東道自西厲聲唱翁某拜右省拾遺

省試一吹竽

乾符二年

齊竽今歷試真偽不難知欲使聲聲別須令箇
箇吹後先無錯雜能否立參差次第教單進宮
商乃異宜凡音皆竄跡至藝始呈竒以此論文
學終憑一一窺

明月照高樓

月滿長空朗樓侵碧落橫波文流藻井桂魄拂
雕楹深鑿羅紈薄寒搜戶牖清冰鋪梁燕噤霜

覆瓦松傾卓午收全影斜懸轉半明佳人當此
夕多少別離情

廣州試越臺懷古

南越千年事興懷一旦來歌鍾非舊俗煙月有
層臺北望人何在東流水不回吹窻風雜瘴沾
檻雨經梅壯氣曾難揖空名信可哀不堪登覽
處花落與花開

襄州試白雲歸帝鄉

杳杳復霏霏應緣有所依不言天路遠終望帝
鄉歸高嶽和霜過遙關帶月飛漸憐雙闕近寧

恨衆山違陣觸銀河亂光連粉署微旅人隨計
日自笑比麻衣

省試奉詔漲曲江池

以春字爲韻時
乾符二年

地脉寒來淺恩波住後新引將諸派水別貯大
都春幽咽疏通處清泠迸入辰漸平連杏岸旋
濶映梅津沙沒迷行徑洲寬恣躍鱗願當舟楫
便一附濟川人

題宣一僧正院

五級凌虛塔三生落髮師都僧須有託孤嶠遂
無期井邑焚香待君侯減俸貲山衣隨疊破菜
骨逐年羸茶取寒泉試松於遠澗移吾曹來頂
手不合不題詩

和王舍人崔補闕題福州天王寺

郭內青山寺難論此窟竒白雲生院落流水下
城池石像雷霆啓江沙鼎鵠期嶽僧來坐夏秦
客會題詩岡轉泉根滑門昇蘚級危紫薇今日
句黃絹昔年碑歇鶴松低閣鳴蛩徑出籬粉垣
千堵束金塔九層支啼鳥笙簧韻開花錦繡姿
清齋奔井邑玄髮剃熊羆極浦征帆小平蕪落
日遲風篁清却暑煙草綠無時信士三公作靈

蹤四絕推良遊如不宿明月擬何之

寄獻梓潼山侯侍郎

時常拾遺諫諍

漢宮行妙略簪笏落民間直道三湘水高情四
皓山賜衣僧脫去奏表主批還地得松蘿塢泉
通雨雪灣東門添故事南省缺新班有新命不起片石
秋從露幽窻夜不關夢餘蟾隱映吟次鳥絲蠻
可惜相如作當時事悉閑

壬癸歲書情

故園招隱客應便笑無成謁帝逢移國投文值
用兵孤松憐鶴在踈柳惡蟬鳴匹馬迷歸處青

雲失曩情江頭寒夜宿壠上歉牛耕冠蓋新人
物漁樵舊弟兄易生唯白髮難立是浮名惆悵
灞橋路秋風誰入行

河南府試秋夕聞新鴈

湘南飛去日薊北乍驚秋叫出隴雲夜聞爲客
子愁一聲初觸夢半白已侵頭旅館移欹枕江
城起倚樓餘燈依古壁片月下滄洲寂聽良宵
徹躊躇感歲流

和吳學士對春雪獻韋令公次韻

春雪下盈空翻疑臘未窮連天寧認月墮地屢

兼風忽誤邊沙上應平火嶺中林間妨走獸雲
際落飛鴻梁苑還吟客齊都省創宮掩扉皆堊
北移律愧居東書幌飄全溼茶鐺入旋融奔川
半留滯疊樹互玲瓏出戶行瑤砌開園見粉叢
高才興詠處真宰荅殊功

省試內出白鹿宣示百官 乾寧二年

上瑞何曾乏毛羣表色難推於五靈少宣示百
寮觀形奪場駒潔光交月兔寒已馴瑤草別孤
立雪花團戴豸慙端士抽毫躍史官貴臣歌詠
日皆作白麟看

出關言懷

又乞書題出關西謁列侯寄家僧許嶽釣浦雨
移洲賣馬登長陸沾衣逐勝遊菜腸終日餒霜
鬚度年秋詩苦無人愛言公是世仇却憐庭際
草中有號忘憂

塞上

掘地破重城燒山搜伏兵金徽互嗚咽玉笛自
淒清使發西都聳塵空北嶽橫長河涉有路曠
野宿無程沙雨黃鶯轉轅門青草生馬歸秦苑
牧人在虜雲耕落日牛羊聚秋風鼓角鳴如何

漢天子青塚杳含情

壺公山

古老相傳古仙姓陳名壺公於此山成道因而名焉

八面峯巒秀孤高可偶然
數人遊頂上滄海見東邊
不信無靈洞相傳有古仙
橘如朱夏在池象月垂穿
山頭有池而圓兼橘樹朱實夏在
鬢髻嘗聞樂岩堯半插
天山寒徹三伏松偃出
千年樵牧時迷所倉箱
歲疊川嚴祠風雨管怪木
薜蘿纏青草方中藥
蒼苔石裏錢瓊津流乳竇
春色駐芝田烏兔中
時近龍蛇蟄處臙嘉名
光列土秀氣產羣賢瀑
鎖瑤臺路溪昇釣浦船
鼇頭擎恐沒地軸壓應

旋蠲疾寒甘露藏珍起瑞煙
畫工飛夢寐詩客

寄林泉掘地多雲母綠霜欠木綿
井通鱸吐脉

僧隔虎棲禪

山間有井通海盈縮之候貞元中有僧號法通咸通中有僧號弘播於其絕頂獨禪昏行至降

虎而法通曾下山遇兩虎爭一牛乃叱而隔之分今各啖之

危磴千尋拔竒花四季

鮮鶴歸玄圃少鳳下碧梧
偏桃易炎涼熟茶推

醉醒煎村家蒙棗栗俗骨爽
猿蟬谷語昇喬鳥

陂開並蒂蓮落楓丹葉舞
新蕨紫芽拳翠竹雕

羌笛懸藤煮蜀牋白雲長
掩映流水別潺湲作

賦前儒闕沖虛南國先省郎
求牧看野老葺齋

眠

潘郎中存實詩云雙旌牧清源吟看壺公翠又歐陽柅先輩自刺史蘇公書求泉山之為畫屏云壺公之高洛陽之

深夢魂所思寺歷興衰創碑須一二鑄清吟思却隱簪
紱奈縈牽

投翰長趙侍郎

禹門四面逐飄蓬忽喜仙都得入踪賈氏許頻
趨季虎荀家因敢謁頭龍手扶日月重輪起數
是乾坤正氣鍾五色筆驅神出沒八花塲接帝
從容詩酬御製風騷古論自人情鼎鼐濃豈有
地能先鳳掖別無山更勝鼇峯攀鴻日淺魂飛
越為鯉年深勢險喁澤國兩荒三逕草秦關雪
折一枝筇吹成暖景猶葭律引上織蘿在嶽松

願向明朝薦幽滯免教號泣觸登庸

鄜時李相公

秦城擇日發征轅齋戒來投節制尊分虎名高
初命相攀龍迹下媿登門夜聽謳詠銷塵夢曉
拜旌幢戰旅魂華舍天開寧有礙綵毫雖乏敢
無言生兼文武為人傑出應乾坤靜帝闈計吐
六竒誰敢敵學窮三略不須論功高馬卸黃金
甲臺迴賓歡白玉罇九穗嘉禾垂綺陌四時甘
雨帶雕軒推恩每覺東溟淺吹律能令北陸暄
青草連沙無血濺黃榆鎖塞有鶯翻笙歌合沓

春風郭雞犬連延碧岫村遊子不緣貪獻賦永
依棠樹託蓬根

成名後呈同年

業詩攻賦薦鄉書二紀如鴻歷九衢待得至公
搜草澤如從平陸到蓬壺雖慙錦鯉成穿額忝
獲驪龍不寐珠蒙楚數疑休下泣師劉大喝已
爲盧人間灰管供紅杏天上煙花應白榆一字
連鑣巡甲族千般唱罰賞皇都名推顏柳題金
塔飲自燕秦索玉姝退媿單寒終預此敢將恩
嶽怠斯須

投刑部裴郎中

兩榜驅牽別海涔他門不合覓知音瞻恩雖隔
雲雷賜向主終知犬馬心禮闈後人窺作鏡廟
堂前席待爲霖已齊日月懸千古肯誤風塵使
陸沈拜首敢將誠吐血蛭形唯待諾如金愁聞
南院看期到恐被東墻舊恨侵緇化衣空難抵
雪黑銷頭盡不勝簪數行淚裏依投志直此滄
溟未是深

輦下寓題

對酒何曾醉尋僧未覺閑無人不惆悵終日見

南山

寄題崔校書郊舍

一片寒塘水尋常立鷺鶯主人貧愛客沽酒往
吟詩

秋思

碧嶂猿啼夜新秋雨霽天誰人愛明月露坐洞
庭船

芳草

澤國多芳草年年長自春應從屈平後更苦不
歸人

輦下書事

北闕新王業東城入羽書秋風滿林外誰道有
鱸魚

入關言懷

背將蹤跡向京師出在先春入後時落日灞橋
飛雪裏已聞南院有看期

過長江

曾搜景象恐通神地下還應有主人若把長江
比湘浦離騷不合自靈均

題靈峯僧院

繫馬松間不忍歸數巡香茗一枰碁擬登絕頂
留人宿猶待滄溟月滿時

司馬長卿

一自梁園失意回無人知有揆天才漢宮不鎖
陳皇后誰肯量金買賦來

和同年趙先輩觀文

玉兔輪中方是樹金螯頂上別無山雖然回首
見煙水事主酬恩難便閑

出京別同年

一枝仙桂已攀援歸去煙濤浦口村雖恨別離

還有意槐花黃日出青門

歸思

薊北風煙空漢月湘南雲水半蠻邊寒爲旅客
暖還去秦越離家可十年

東林寺貫休上人篆隸題詩

師名自越徹秦中秦越難尋師所從墨跡兩般
詩一首香爐峯下似相逢

寄江州李使君

使君曾被蟬聲苦每見詞文即爲愁況是楚江
鴻到後可堪西望發孤舟

遊南寓題

江山節被雪霜遺毒草過秋未擬衰天不當時
命鄒行亦將寒律入南吹

九日

陽數重時陰數殘露濃風硬欲成寒莫言黃菊
花開晚獨占樽前一日歡

夏州道中

隴鴈南飛河水流秦城千里忍回頭征行渾與
求名背九月中旬往夏州

經慈州感謝郎中

金聲乃是古詩流況有池塘春草儔莫遣宣城
獨垂號雲山彼此謝公遊

寓題

吳中煙水越中山莫把漁樵漫自寬歸泛扁舟
可容易五湖高士是拋官

寄宋明府

北闕秋期南國身重關煙月五溪雲風蟬已有
數聲急賴在陶家柳下聞

花

莫道顏色如渥丹莫道馨香過茝蘭東風吹綻

還吹落明日誰爲今日看

閏八月

無人不愛今年閏月看中秋兩度圓唯恐兩師
風伯意至時還奪上樓天

別後

夢裏相逢無後期煙中解佩杳何之虧蟾便是
陳宮鏡莫吐清光照別離

嚴陵釣臺

終向煙霞作野夫一竿竹不換簪裾直鉤猶逐
熊羆起獨是先生真釣魚

馬嵬三首

鐵馬嘶風一渡河淚珠零便作驚波鳴泉亦感
上皇意流下隴頭嗚咽多

龍腦移香鳳輦留可能千古永悠悠夜臺若使
香魂在應作煙花出隴頭

錦江晴碧劔峯竒合有千年降聖時天意從來
知幸蜀不關胎禍自蛾眉

奉和文堯對庭前千葉石榴

一朵千英綻曉枝綵霞堪與別爲期移根若在
芙蓉苑豈向當年有醒時

翁文堯以美疹暫滯今公大王益得異
禮觀今日寵待之盛輒成一章

滋賦誠文侯李盛終求一襲錦衣難如何兩度

還州里兼借鄉人更剩觀

林鄭在舉場日時曰
滋賦誠文中外相獎

木芙蓉三首

黃鳥啼煙二月朝若教開即牡丹饒天嫌青帝
恩光盛留與秋風雪寂寥

卻假青腰女翦成綠羅囊綻綵霞呈誰憐不及
黃花菊只遇陶潛便得名

須到露寒方有態為經霜衰稍無香移根若在

秦宮裏多少佳人泣曉裝

奉和翁文堯戲寄

握蘭宮裏數名郎好是乘輶出帝鄉兩度還家
還未有別論光彩向冠裳

和陳先輩陪陸舍人春日遊曲江

劉超遊召却詵陪為憶池亭舊賞來紅杏花旁
見山色詩成因觸鼓聲回

靈均

莫問靈均昔日遊江籬春盡岸楓秋至今此事
何人雪月照楚山湘水流

卷簾

綠鬟侍女手纖纖
新捧嫦娥出素蟾
衛玠官高難久立
莫辭雙卷水精簾

啓帳

得人憎是繡芙蓉
愛鎖嫦娥出月蹤
侍女莫嫌擡素手
撥開珠翠待相逢

去扇

城上風生蠟炬殘
錦帷開處露翔鸞
已知秦女昇仙態
休把圓輕隔牡丹

詩集卷下

以運今鈔本對勘次第微有不同增入詩三首別紙書之已卯冬月雪後嚴寒沈姑記

林寬詩集

送李貞外之建州

一本無頻字

勾踐江頭月客星
臺畔松為郎久不見
出守暫相逢
鳥泊牽灘索花空
押号鐘遠人思化
切休上武夷峰

送許棠先輩歸宣州

髮枯窮律韻字字
合墳篋日月所到
處姓名無不知
鶯啼謝守壘苔老
謫仙碑詩道喪來
久東歸為弔之

窮冬太學

投跡依槐館荒庭草合時雪深鳶嘯急新濕鼎
吟遲默坐同誰話非僧不我知匡廬瀑布畔何
日副心期

陪鄭誠郎中假日省中寓直

憲廳名最重假日許從容牀滿諸司印庭高五
粒松井尋芸吏汲茶拆岳僧封鳥度簾旌暮猶
吟隔苑鐘

送謝石先輩歸宣州

名隨春色遠湖外已先知花盡方辭醉鶯殘是
放時天寒千尺嶽頷白半聯詩笋蕨猶堪採榮

歸及養期

下第寄歐陽瓚

詩人道僻命多奇更值干戈亂起時莫作江寧
王少府一生吟苦竟誰知

寄何紹餘

鴈過君猶未入城清賢門下已知名風波凍馬
遙逢見革橐飢僮尚挈行住在閑坊無轍跡別
來何寺有泉聲芙蓉苑北曲江岸期看終南新
雪晴

送人宰浦城

東南猶阻寇梨嶺更誰登作宰應無俸歸船必
有僧難平眠獺石燒斷飲猿藤歲盡枚殊最方
當見異能

省試臘後望春宮

皇都初度臘鳳輦出深宮高凭樓臺上遙瞻灞
澗中仗凝霜彩白袍映日華紅柳眼方開凍鶯
聲漸轉風御溝穿斷靄驪岫照斜空時見宸遊
與因觀稼穡功

寄省中知己

門掩清曹晚靜將烏府鄰花開封印早雪下典

衣頻怪木風吹閣廢巢時落薪每憐吾道苦長
說向同人

朱坡

朱坡坡上望不似在秦京漸覺溪山秀更高魚
鳥情夜吟禪子室曉爨獵人鎬恃此偷佳賞九
衢蝸未鳴

酬陳樵見寄

失意閑眠起更遲又將羈薄謝深知囊書旋入
酒家盡紗帽長依僧壁垂待月句新遭鬼哭尋
山貌古被猿窺元和才子多如此除却清吟何

所爲

華清宮

殿角鐘殘立宿鴉朝元歸駕望無涯香泉空浸
宮前草未到春時爭發花

終南山

標竒聳峻壯長安影入千門萬戶寒徒自倚天
生氣色塵中誰爲舉頭看

歌風臺

蒿棘空存百尺基酒酣曾唱大風詩一作詞莫言馬
上得天下一作子自古英雄盡解詩

送人歸日東

滄溟西畔望一望一心摧地即同正朔天教阻
往來波翻夜作電鯨吼晝爲雷門外人參徑到
時花幾開

寓興

西母一盃酒空言浩劫春英雄歸厚土日月照
閑人衰草珠璣冢冷灰龍鳳身茂陵驪岫晚過
者暗傷神

少年行

柳煙侵御道門映夾城開白日莫空過青春不

再來報讐衝雪去乘醉臂鷹迴看取歌鐘地殘
陽滿壞臺

塞上還答友人

無端遊絕塞歸鬢已蒼然戎羯圍中過風沙馬
上眠草衰頻過一作燒耳冷不聞蟬從此甘貧坐
休言更到邊

哭棲白供奉

待輦才難得三朝有上人琢詩方到骨至死不
離貧風帳孤螢入霜堦積葉頻夕陽門半掩過
此亦無因

送昇道靖恭相公分司

東風時不遇果見致君難華一作岳影猶動鷓鴣
勢未安星沉關鎖吟雞唱驛燈殘誰似二賓客
門閑蒿洛寒

關下早行

軋軋推危轍聽雞獨早行風吹宿靄散月照華
山明白首東西客黃河晝夜清相逢皆有事唯
我是閑情

曲江

曲江初碧草初青萬轂千蹄匝岸行傾國妖姬

雲鬢重薄徒公子雪衫輕瓊鑄狻猊繞觥舞金
威辟邪拏撥鳴柳絮杏花留不得隨風處處逐
歌聲

長安遣懷

醉下高樓醒復登任從浮薄笑才能青龍寺裏
三門上立爲南山不爲僧

送僧遊太白峰

雲深遊太白莫惜徧探竒頂上多靈跡塵中少
客知懸崖倚凍瀑飛狖過孤枝出定更何事相
逢必有詩

哭造微禪師

神通不火葬新塔露疎檉是物皆磨滅唯師出
死生虛堂散釣叟怪木一作土哭山精林下路長在
無因更此行

獻同年孔郎中

炊瓊藝桂帝關居賣盡寒衣典盡書驅馬每尋
霜影裏到門常在鼓聲初蟾枝文彩清蘭署鸞
珮排光映玉除一顧深恩身未殺爭期皎日負
吹噓

聞鴈

接影橫空背雪飛，聲聲寒出玉關遲。
上陽宮裏三千夢，月冷風清聞過時。

送惠補闕

詔下搜巖野，高人入仕林。
長因抗疏日，便作去官心。
清俸供僧盡，滄洲寄跡深。
東門有歸路，徒自棄華簪。

和友人賊後

帶号乞兵急，英雄陷賊圍。
江山猶未靜，魚鳥欲何歸。
城露桑榆盡，時平老幼稀。
書從戰後得，讀徹血盈衣。

長安即事

暝鼓才終復曉雞，九門何計出沉迷。
樵童亂打金吾鼓，豪馬爭奔丞相堤。
翡翠鬢歌釵上燕，麒麟衫束海中犀。
須知不是詩人事，空憶泉聲菊畔畦。

和周繇校書先輩省中寓直

古木重門掩幽深，祗欠溪此中真吏隱。
何必更巖棲，名姓鐫幢記經書。
逐庫題宇隨飛蠹，缺堦與落星齊伴。
直僧談靜侵霜蛩，韻低粘塵賀草沒。
剝粉薛禽迷衰蘚，牆千堵微陽菊半畦。
鼓殘

鴉去北漏在月沉西每憶終南雪幾登雲閣梯
時因搜句次那惜一招攜

苦雨

霽霖翳日月窮巷變溝坑驟灑纖枝折奔傾壞
堵平蒙蒼來客絕躍螿噪蛙獐敗屐陰苔積摧
簷濕菌生斜飛穿裂瓦迸落打空鐺葉底遲歸
蝶林中滯出鶯潤侵書縫黑冷浸鬢絲明牖暗
參差影堦寒斷續聲尺薪功比桂寸粒價高瓊
遙想管絃裏無因識此情

林寬詩集

乙卯十一月十六日板季鈔本訛增補

曹松詩集目錄

第一卷

長安春日

慈恩寺貽楚霄上人

崇義里言懷

僧院松

貽世

南遊

送胡中丞使日東

哭陳陶處士

言懷

月

荅匡山僧贈柳栗杖

商山夜聞泉

書懷

道中

夏雲

塞上行

晨起

感世

觀華夷圖

山中寒夜呈進士許棠

滕王閣春日晚眺

鍾陵野步

哭胡處士

青龍寺贈雲顥法師

薦福寺贈應制白公

觀山寺僧穿井

送德光禪師

贈南陵李主簿

慈恩寺東樓

古塚

訪山友

林上書懷寄建州李頻負外

猿

秋日送方干遊上元

哭李頻負外

山中言事

送左協律京西從事

望九華寄池陽太守

上廣州支使王拾遺

題僧松禪

贈華陰李明府

送人庭鶴

信州聞通寺題僧砌

下泉

山中

寄崇聖寺僧

金陵道中寄

都門送許棠東歸

送進士喻坦之遊太

原

九江暮春書事

再到洪州望西山

與胡汾坐月期貫休

上人不至

贈胡處士

鉛山寫懷

書翠巖寺壁

江西題東湖

題湖南岳麓寺

贈衡 麋明府

塞上

送邵安石及第歸連州覲省

邊上送友人歸寧

除夜

題甘露寺

貽住山僧

題鶴鳴泉

弔賈島墓 二首

憶江西并悼亡友

第二卷

九江送方于歸鏡湖

廬山訪賈匡

顧少府池上

喜友人歸上元別業

曲江暮春雪霽

立春日

宿溪僧院

石頭懷古

浙右贈陸處士

哭胡處士

贈餘干袁明府

贈雷鄉張明府

岳陽晚泊

覽春榜喜孫鄴成名

已亥歲 二首

亂後入洪州西山

送僧入廬山

送僧入蜀過夏

江西逢僧省文

水精念珠

南海旅次

春草

金谷園

夏日東齋

南朝

言懷

寒食日題杜鵑花

鍾陵寒食日郊外閑

遊

中秋對月

陪河南李中丞宴隱溪

別湖上主人

贈廣宣大師

鍾陵寒食日與同年裴顏李先輩鄭校書

郊外閑遊

江外除夜

七夕

羅浮山下書逸人壁

天台瀑布

桂江

南海

洞庭湖

霍山

巫峽

送陳樵校書歸泉州

贈鏡湖處士方干 二首

拜訪陸處士

嶺南道中

春日自吳門之陽羨道中書事

將入關行次湘陰

題昭州山寺常寂上

人水閣

廣州貽匡緒法師

贈道人

送乞雨禪師臨遇南

遊

南海陪鄭司空遊荔

園

李郎中林亭

夜飲

駙馬宅宴罷

弔建州李員外

弔李翰林

山中

山寺引泉

友人池上詠蘆

商山

荆南道中作

武德殿朝退望九衢

春色

弔北邙

及第勅下宴中獻座主杜侍郎

補遺

梢雲

白角簞

碧角簞

滕王閣春日晚望

曹松詩集目錄

曹松詩集卷第一

長安春日

浩浩看花晨六街揚遠塵塵中一丈日誰是晏
眠人御柳舞一作垂着水野鶯啼破春徒云多失意
一作還楚計猶自惜離秦一作情

慈恩寺貽楚霄上人

在秦生楚思波浪接禪關塔礙高林鳥窻開一作藏
白日山樹陰移草上岸色透庭一作林間入一作樓內談
經徹空攜講疏還

崇義里言懷

馬蹄京洛岐復此少閑時老積滄洲夢秋乖白
閣期平生五字句一夕滿頭絲把向侯門去侯
門未可知

僧院松

此木韻彌全秋霄學瑟絃空知百餘尺未定幾
多年古甲磨雲折孤根捉一作把地堅何當拋一作拖
幹作蓋道場前

貽世

富者非義取朴風爭肯還紅塵不待曉白首有
誰閑淺度四溟水平看諸國山只消年作刳俱

到揔無間

南遊

直到一作道南箕下方諳漲海頭君恩過銅柱戎節
限交州犀占花陰臥波衝瘴色流遠夷非一作君不
樂自是北人愁

送胡一作王中丞使日東

辭天理玉簪指日使雞林猶有中華戀方同積
浪深張帆度鯨口銜命見臣心渥澤遐宜一作宣後
歸期抵萬金

哭陳陶處士

園裏先生塚鳥啼春更傷空餘八卦樹尚對一
茅堂白日埋杜甫皇天無耒陽如何稽古力報
荅甚茫茫

言懷

冥心坐似癡寢食亦如遺為覓出人句祇求當
路知豈能窮到老未信達無時此道須天付三
光幸不私

月

寥寥天地內英華作外夜魄爽何輕頻見此輪滿即應
華髮生不圓爭得破纔正又須傾人事還如此

一作相以因何英華作知倚伏情

荅匡山僧贈柳栗杖

栗杖出匡頂百中無一枝雖因野僧得猶畏嶽
神知晝月冷光在指雲秋片移宜留引蹇步他
日訪峨嵋

商山夜聞泉

瀉月聲不斷坐來心益閑無人知落處萬木冷
空山遠憶雲容外幽疑石縫間那辭通曙聽明
月一作日度藍關

書懷

默默守吾道望榮來替愁吟詩應有罪當路却
如讎陸海儻難溺九霄爭便休敢言名譽出天
未白吾頭

道中

出門嗟世路何日朴風歸是處太行險
解飛主人厚薄禮客子新故衣所以澆浮態多
令行者違

夏雲

勢能成岳仞頃刻長崔嵬暝鳥飛不到野風吹
得開一天分萬態立地看忘回欲結暑宵雨先

聞江上雷

塞上行

上將擁黃鬚安西逐指呼離鄉俱少壯到磧減
肌膚風雪夜防塞腥羶朝繫
為君一作軍樂戰死
誰喜作征夫

晨起

曉色教不睡卷簾清氣中林殘數枝月髮冷一
梳風並鳥含一作聞鍾語歌荷隔霧空莫疑一作徒營白
日道路本無窮

感世

觸目盡如幻幻中能幾時愁來捨行樂事去莫
吞悲白髮不由己黃金留待誰耕煙得銘誌翻
爲古人思

觀華夷圖

落筆勝縮地展圖當晏寧中華屬貴分遠裔占
何星分寸辨諸岳斗升觀四溟長疑未到處一
一似曾經

山中寒夜呈進士許棠

山寒一作中草堂暖寂夜有良朋讀易分高燭煎茶
取折冰庭垂河半角窻露月微稜俱入論心地

爭無俗者憎

滕王閣春日晚眺

凌春帝子閣偶眺日移西浪勢平花塢帆陰上
柳堤凝嵐藏宿翼疊鼓碎歸蹄只此長吟詠因
高思不迷

鍾陵野步

岡扉聊自啓信步出波邊野火風吹闊春冰鶴
啄穿渚檣齊驛樹山鳥入公田未創孤雲勢空
思白閣年

哭胡處士

一本上有重字

故人江閣在重到事悠悠無爾向潭上爲吾傾
甕頭空餘赤楓葉墮落釣魚舟疑是冲虛去不
爲天地囚

青龍寺贈雲顥法師

紫檀衣且香春殿日尤長此地開新講何山鎖
舊房僧名喧北闕師一作祖印續南方莫惜青蓮喻
秦人聽未忘

薦福寺贈應制白公

一作棲白太師

才子一作着紫檀衣明君寵顧時講昇高座懶書荅
重臣遲瓶勢傾圓頂刀聲落碎髭還聞穿內去

隨駕進新詩

觀山寺僧穿井

雲僧鑿山井寒碧在中庭況是分巖眼同來下
石瓶旁痕終變蘚圓影即澄星異夜天龍蟄應
聞說葉經

送德光

一作輝

禪師

重禮石霜長者

天涯緣事了又造石霜微不以千峯險唯將獨
影歸有爲嫌假佛無境是真機到後流沙錫何
時更有飛

贈南陵李主簿

外邑官同隱寧勞短吏一作使趨看雲情自足愛酒
逸應無簟席彈一作遺碁子衣裳惹印朱仍聞陂水
近亦擬掉菰蒲

慈恩寺東樓

寺樓涼出竹非與曲江賒野火一作水流穿苑秦山
疊入巴風梢一作容離衆葉岸角積虛沙此地鍾聲
近令人思未一作海涯

古塚

代遠已難問纍纍次古城民田侵不盡客路踏
還平作穴蛇分蟄依岡鹿繞行唯應風雨夕鬼

火出林明

訪山友

一逕通高屋重雲翳兩原山寒初宿頂泉落未
知根急雨洗荒壁驚風開靜門聽君吟廢夜苦
却一作建見溪猿

林下書懷寄建州李頻負外

一從諸事嬾海上跡宜沈吾道不當路鄙人甘
入林雲垂方覓鶴月溼始收琴水石南州好誰
陪刻骨吟

猿

曾宿三巴路今來不願聽雲根啼片白峯頂擲
尖青護果憎禽啄栖霜覩葉零唯應臥嵐客憐
爾傍岳局

秋日送方干遊上元

天高淮泗白料子趣修程汲水疑山動揚帆覺
岸行雲離一作迷京口樹鴈一作岸入石頭城後夜分遙
念諸峯霜露一作月霧生一作霧露

哭李頻負外時在建州

出麾臨建水下世在公堂苦集休開篋清資罷
轉郎瘴中無子奠嶺外一妻孀定一作恐是浮香一作吟

骨東歸就故鄉

山中言事

嵐靄潤窻櫺吟詩得冷瘕教餐有效藥多媿獨
行僧一作溼煎茶火冰封汲井繩片扉深着掩經
國自無能

送左協律京西從事

辟書來幾日遂喜一作逐意就嘉招猶向風沙淺非干
甸服遙時平無探騎秋靜見盤雕若遣關中使
煩君問寂寥

望九華寄池陽太守

造化峯峯異宜教岳德謙靈蹤載籍古怪刃刺
雲尖盤感陵陽壯孤標建鄴瞻霽餘堪洗目青
出謝家簷

上廣州支使王拾遺

明時應不諫天幕稱仙才聘入關中去人從帝
側來詩窻盛島嶼檄盾照風雷幾度陪旄節營
巡海色迴

題僧松禪

一作題
僧院松

空山澗畔枯松樹禪老堂頭甲乙身一作老對禪
堂鱗甲身傳
是昔朝僧種着下頭應有茯苓神

贈華陰李明府

佩墨縣兼清約關西近城三峯豈不重厚地戴
猶輕雪篠歌難直風泉噴易橫須知高枕外長
是勸民耕

送人庭鶴

度歲休籠閉身輕好羽儀白雲是伴滄海得
因誰喚起遺殘食盤餘在迴枝條風頻雨去只
恐更相隨

信州聞通寺題僧砌下泉

細聲從嶠足一作落幽淡浸香墀此境未開日何人

初見時耗痕延黑蘚淨罅吐微漸應有喬梢鶴
下來當飲之

山中

此地似商嶺雲霞空往還衰條難定鳥缺月易
依山野色耕不盡溪容釣自閑分因多臥退百
計少相關

寄崇聖寺僧

英華作關山寄詩贈清越

不醉長安

一作秦中

酒冥心只似師望山吟過日伴鶴

立多時溝遠流聲細林寒綠色暹菴西蘿月夕

重約語一作話空期

金陵道中寄

忍苦待知音無時省廢吟始為分路客莫問向
隅心嶠翠藏幽瀑枝風下曉禽憶君秋欲盡馬
上秣陵砧

都門送許棠東歸

英華作送進士張喬

舊客東歸遠長安詩少朋去愁分磧鴈行計逐
鄉僧華岳無時雪黃一作伊河漫處冰知辭國門路
片席認西一作巴陵

送進士喻坦之遊太原

北鄙征難盡詩愁滿去程廢巢侵曉一作燒

色荒一作孤

豕入鋤聲逗野河流濁離雲磧日一作月明并州戎

一作戍壘地暮角動引風生

九江暮春書事

楊柳城初鎖輪蹄息去蹤一作楊柳春初鎖歸愁不計重春流無舊

岸夜色失諸峯影動漁邊火聲遲話一作語後鍾明

朝迴去鴈誰向北郊逢

再到洪州望西山松常栖此山

洪州向西顧不忍暫忘君記得瀑泉落省同幽

鳥聞一迴經雨雹長有剩風雲未定却栖息前

頭江海分

與胡汾坐月期貫休上人不至

掃庭秋漏滴接話貴忘眠靜夜人相語低枝鳥

暗遷星圍南極定月照斷河連後會花宮子應

開石上禪

贈胡處士

年光離岳色帶疾臥南原白日與無事俗人嗔

閉門樵魚臨片水野鹿入荒園莫問榮華事清

霜點髮根

鈇山寫懷

天涯兵火後風景畏臨門骨肉到時節團圓因

夢魂池塘營水眼嶺嶠結花根耳縱聽歌吹中
心不可論

書翠巖寺壁

何年話尊宿瞻禮此堂中入郭非無路歸林自
學空濺瓶雲嶠水逆一作進磬雪川風時說南廬事
知師用意同

江西題東湖

鑿出江湖思涼多間無風觸微浪半日
秋山客袖沙光滿船窻荻影閑時人見黃綬應
笑狎鷗還

題湖南岳麓寺

海雲山上寺每到每開襟萬木長不住細泉聽
更深蝸沾高雨斷鳥遇夕嵐沈此地良宵月秋
懷隔楚砧

贈衡山麋明府

爲縣瀟湘水門前樹配苔晚吟公籍少春醉積
林開滌硯松香起擎茶岳影來任官當此境更
莫夢天台

塞上

邊寒來所一作處闊今日復明朝河凌去聲堅通馬

雲樂府詩缺見鷓鴣砂中程獨泣鄉外隱誰招迴首

若一作苦經歲靈州在一作生柳條

送邵安石及第一作先輩歸連州觀省

及第兼歸觀宜忘涉驛勞青雲重一作具慶少白日

一飛高轉楚聞啼狄臨湘見疊濤海一作連陽沈飲

罷一作編何地佐旌旄

邊上送友人歸寧

鄉路穿京過一作口寧心去少同日斜尋闕磧春盡

逐歸鴻獨樹河聲外凝笳塞色中憐君到此處

却背老萊風

除夜

殘臘即又盡一作舊曆不足卷東風應漸一作還坐聞一宵猶幾

許一作刺兩歲欲平分燎暗一作臘盡傾時斗春通綻處芬

一作雲明朝遙捧一作把酒先合祝堯一作吾君

題甘露寺

香一作禪門接巨壘一作壑畫角間清鍾北固一何峭西

僧多此一作未逢天垂無際海雲白久晴峯旦暮燃

燈外濤頭振蟄龍

貽住山僧

罷講巡巖塢無窮得野情臘高猶伴鹿夏滿不

歸城雲朶綠崖發峯陰截水清自然雙洗耳唯
任白毫生

題鶴鳴泉

仙鶴曾鳴處泉兼半井苔直峯拋影入片月瀉
光來激艷侵顏冷深沈慰眼開何因值舟頂滿
汲石瓶迴

弔賈島墓二首

先生不折桂謫去抱何冤已葬離燕骨難招入
劍魂旅墳低却草稚子哭勝猿冥冥如搜句宜
邀賀監論

青旆低寒水清笳出曉風鳥來傷賈傅馬立葬
滕公松柏青山上城池白日中一朝今古隔唯
有月明同

此首見唐詩類苑

憶江西一作南并悼亡友

前心奈兵阻悔作豫章分芳草未歸日故人多
是墳帆行出岫雨馬踐過江雲此地一樽酒當
時皆以文